



盤洲文集卷第二十一

外制三

晁公武權戶部侍郎制

君子言必可行寧為一切之弊洪範食以為首孰明
八政之源時有通儒長於心計詳其說則若折枝之
甚易試以事則豈刻楮而無成往諧地官式蔽朕志
具官某學潛墳素材挺梗枘論思殫造膝之忠謇諤
得匪躬之故網紀正于轂下措紳畏其華端自四鄙
之多虞或一日而再召充物憂時之略科條足國之
方論及理財蓋纒々而可聽使之治賦會緡々而有

餘與其專憲府而寄以抨彈孰若貳版曹而究其績
用倘以責人而責已斯能為上而為民即問錢穀幾
何可莫貫朽粟陳之效亦有仁義而已當無頭會箕
歛之非用觀題募以聳輿望

王剛中禮部尚書兼給事中直學士院制

咨四岳能典朕禮孰為稽古之儒俾萬姓咸大王言
必賴綴文之傑仍居批敕之地斯極垂紳之榮其官
其材冠倫魁詞工辭要西掖妙清泉之思坤維馳制
聞之聲論道下帷記甘盤之舊學因師獲印邁仲進
之前塵召對祈朝超登內職臨文問諱惧奸祖廟之

名辭尊居早退能北門之直昇宗伯討論之事兼久
即糾駁之權稽首而遜夔龍昔光帝典拊解而思顏
牧今在禁林悉展賢謨用禪國論

周葵資政殿學士提舉臨安府洞霄宮制

執政其猶股肱所藉弼諧之助大臣斯有體貌况無
纖介之嫌惟時碩儒厭參萬務庸出均休之命俾聞
知足之風具官某躬上賢之姿究光聖之壹青天白
日人爭睹其清明北斗泰山士咸高其景行見謂居
今而行古未嘗枉尺而直尋屢入修門晚騰夷路間
兩社而為輔久穆丕機有一言以興邦每陳正道粵

自亶垂之警浸勃夙夜之憂秣馬治兵揆漢室備胡
之策豐財積眾講荀卿富國之篇止賴同寅用圖再
造儵尔易退確乎弗移乃隆祕殿之班仍賜真祠之
祿終始惟一身名俱榮噫富貴而歸放鄉自守冰霜
之操謀猷則告爾后尚毋金玉其音徃企前英益迪

鄧王夫人錢氏廣國夫人制

朕以乾德始郊避新陽之近晦永熙故事改嗣歲之
上辛適值邊虞用循祖武雖蕃釐之未受顧慶澤之
難稽錢氏德邁前塵行光內則服禮義之訓飛周篇

魯冊之華生忠孝之家參宋子齊姜之盛儼我家嗣
驩于兩官茲推泰時之思錢裂番禺之壤彤管有煒
既婦道之可書翟芾以朝在皇儀而甚美其隆閨範
以耀綸章

慶王夫人韋氏華國夫人制

朕初修郊類以戒先庶之期會有塞氛遂移建巳之
月廼斂泰元之福預推大肯之恩爰舉邦彝式光子
舍韋氏儀度嫺雅性資惠和誦周召之聲詩閨風夙
講鐘姜任之餘慶戚吮適推惟踐履于女圖故章明
于婦順胙之成國易彼舊封佩箴悅而問雞鳴益隆

孝道如山河而且象服克稱德容艷此華草昭于彤
史

恭王夫人李氏定國夫人制

朕將燔郊燎偶警邊烽仰冀先猷嘗講上辛之卜參
稽古訓遂改長贏之初雖未逆於神釐爰預行于邦
渙李氏珩璜中節紛悅合儀出英衛之門聽姆教而
婉婉歸間平之邸成婦道之肅雍嬪嬙譽其淑聲娣
如知其端揆茲從封于望國秩拜况于恭壇象服是
宜庸侈笄珈之美彤管有煒浸颺竹帛之芬徃荷華
章益綏柔履

張宋卿祕書郎鄭升之正字制

往者大減况負雖瀛洲學士亦損其秦半茲有之材
之歎而議者歸咎儲蓄之不廣也閏月甲寅制書始
復祖宗之舊宜有望士褒然充庭爾宗卿五頌之英
冠于賢級爾升之三衢之秀經為人師或別朱紫于
麟臺或事雌黃于靈簡益思涵養以稱僉期

閻安中國子司業制

古之盛帝投戈而講藝息馬而論道今仍年出車邦
賦不足雖養士有費朕不敢惜蓋長育秀翼以備宅
日之用也爾材美于西州名高于鼎甲裁獬豸冠則

群而不黨掌南宮箴奏則粲然有文訂五禮之制則是古而不變非強學力行者能如是乎茲用陟之成均受以師說必能使諸儒樂循理而有士君子之行也模不模範不範抑無媿焉

王佐直寶文閣知宣州制

雙溪疊嶂在昔名邦北枕大江南連黥歙諸山守土之寄所不可輕尔以文學冠于俊躔以治行最于左契久去柱下重入修門金華談經發明王道攝空民部會計盡心上牘再三自請補外大臣多稱其美同列咸欲其由宛陵之城方謀郡將姑徇所欲寵以奎

其賢嗣擇師友而徙鄰暨榮陟于禁途空永懷于甘旨茲推慶與用賁幽扁尚安尔靈益昨其後

故妻陳氏令人制

朕初修郊類已戒先庚之期會有違氣遂移建己之月雖神鑿之未受豈邦渙之可亩某氏毓秀名門媿德君子柔則肩于鐘郝淑聲軼于姬姜益虔奉嘗不克階光錦韜象軸齊眉焉一見之榮柏冢松阡刻篆示九泉之飾庶幾不朽右尔子孫

陳巖肖禮部負外郎制

太上皇帝取祖宗詞學之科新其名更其制始許公

卿大夫之世與登進士第者角其藝而選之尔襄然
為任子倡坎墮不振人咸歎焉再入郎闈處非其地
南宮掌翰僉曰汝且往修厥官以陟華近

程宏遠太常博士制

奉常有博士所以議國家之禮定公卿之謚名鬼神
之祠也尔學耕文獲馳譽校官曲臺者峻秀之地往
游其間可不勉哉

王剛中轉朝散大夫制

有司嚴考課之法積四載而應條從臣獲異等之思
損一年而增秩合堯舜之陟典皆祖之密茂規具官

某以經綸之學而審是予義農以雅健之文而朋休
乎燕許再光禁路即長春官青瑣黃扉所莫回天之
力白麻丹詔可期擲地之聲茲諏律以進階匪詣曾
而齋闕雖媿尊賢之道實存厲世之公往服寵榮益
崇聞望

郭振捧日天武四廂都指揮使制

裔夷結難肆凶焰以方張莫府推堅喜捷音之為倡
可無褒典用賁中權具官某識貫戎張名高勇爵撫
鳴劍而抵掌久抱壯圖援枹鼓則忘身獨潛忠槩茲
率千廬之衛往屯六合之城會妖祲之結蟠涉長淮

而侵軼惟時瓜士首奏層公鶴唳風聲已挫犬羊之
氣席捲霆奮遂增龍虎之威式表轅門之勲俾冠廟
部之職行期掃蕩嗣有龍光

崔臯正任觀察使制

孽氛入塞方議益兵莫府論功首開禽敵宜盼襄渥
以寵戰多具官某自負鷙強咸推臯俊陳師鞠旅久
厲節於轅門折馘執俘屢書名于露板茲出千慮之
衝往屯六合之城會妖祲之結燭涉長淮而侵軼惟
時名將獨奮精忠冒白刃以前驅揮戈矛而鏖開果
能陷陣致彼退師已標勇爵之勲特峻廉車之賞益

思報效嗣有恩光

唐閔司封負外郎制

冢鄉之屬其司七間者併省司勳故主爵兼兩曹之
事用得其材則吏無並緣之姦人無稽滯之歎尔行
安節和恬于榮進為郎則未久也躋之前列合乎公
言往殫厥心以振其職

知天台縣王琰轉官再任制

天台之民件汝治行願復借由三年守臣考其實以
聞吾何愛一官而不徇斯民之請也益思盡力以望

卓魯

蔣芾起居郎制

國家之用人如工師之用材可楹者不可使為楹可
崇者不可使為椽人物之英絕類離倫則一日九遷
人不議其速錄之無庸或十年不調人不歎其滯若
是則遷授公而衆職修矣尔以文藝登乎甲科以材
器久于省戶國人皆曰爾有荀揚之學有屈宋之文
當在華近吾方陟尔曲臺寘尔詞掖而訓練猶木出
也左螭虛位非尔其誰宜為往欽哉以稱吾超辭之
意

張進薰江送郡刺史制

熊羆之士不二心之臣立斬將艾旗之功則信賞之
行蓋不旋日某有優鋒之勇有徇國之忠茨湖之投
涉水力戰執訊獲醜咸犇於率書之盟府陟以州旗
蓋思捐軀用答恩渥

沈介起復擢兵部尚書湖北京西制置使制
屬大事而當一面有鈇鉞之可專見素冠之能三年
唯金革則無辟蓋君子知斷恩之義在先王存變禮
之文我求實臣起之出次某學廣而足用材高而不
群回禁代言得上規姚姒之體三銓分職繼前有馮
裴之稱治行著于吳門威聲聳于蜀道事靡不舉人

莫能欺適茲疆場之虞正講甲兵之問顧荆襄之重
鎮連江漢之上游羽扇綸巾賴周瑜之制勝輕裘綬
帶謀羊祜以祈衝奪其陟岷之哀授以防邊之美用
尊莫府俾長夏官聰光黃湓浦之封是為新制集步
騎舟師之衆咸稟中權罷使範以光前期戎翰之善
後益據壯略庸釋遠懷

呂廣問敷文閣待制在京宮觀兼侍講制

朕仰希堯舜三代之風樂聞詩書六經之說厥今帝
模盡虛講讀之負既得耆儒首寘咨詢之列具官某
言有壇宇性守宮庭能習是而勝非故闕中而肆外

董狐古之良史嘗立赤墀伯夷汝作秩宗遂闕紫闥
懷章而去趨節復來陟西瀆次對之班修金華絕出
之業國之治亂興滅否惟前言往行之師學有緝熙
于光明賴傳物洽聞之益往祇茂渥益振榮名

莫延萇銀青光祿大夫檢校太子賓客使持
節南丹州諸軍事南丹州刺史兼御史大夫
知南丹州公事武騎尉制

率土之濱莫非王臣靡私涵覆九州之外謂之蕃國
所貴懷來眷惟卉服之英能慕華風之義承祗有慶
錫壤為榮某浴義浸仁資忠履信心傾葵藿遠翰就

日之誠世受然綸不闕梯山之貢既處大倫之長且
稱海嶠之雄當茲似續之初貢以便蕃之屋躋銀艾
祿臣之秩兼風霜憲府之官擬儲卹之元察陟勲階
之華品併斯徽數為我遐藩噫尊君之道無它主乎
恭順撫俗之方有要務在溫慈祗服訓言益綏福嘏
何備權工部侍郎制

朕履位以來勞人是戒範圍服御無所益敢興土木
之謀技巧工匠精具能獨治甲兵之器久虛起部茲
得勝流具官某智略湊于朕前言語妙于天下人瑞
有鄭仁表久侍左切古事問高仲舒兼司石掖王卹

賴設經之益中臺分典選之權力陳宰路之有連願
自它官而遂去顧博延于耆舊方自外來難近舍于
文儒從其遠引惟冬卿之非劇雖姻黨而無嫌茲用
出綸俾之持橐其廣立朝之譽益殫致主之忠

王稽中起居舍人制

左右史分主柱下班列甚清直造榻前謀猷可告言
動資其良筆選用在于端人尔古訓積于中而正論
發于外不憚太史夙采凜然自臺察而陟望卽錄卽
闡而攝記注再盈旬耳即真之命僉曰允哉益思盡
瘁以報知獎

揚似循從事即制

邊鄙有興勇者當奮其力富者當輸其財而織音成
俗體國之風無聞焉尔心不恤緯傾營助軍增秩出
綸誇彼鄰曲

王宣防禦便制

朕志在勸功不爽出綸之信暇于用賞每懲利印之
非具官某趨猛知名朴忠著節出奇設伏夙蘊深謀
掩空擊虜屢彰黷績茲分王旅遠戍邊垂扞襄陽之
衝荐聞吉語嚴揆城之備咸奮聞心用陟兵防式光
戎幙益思在敵以答恩章

任天錫左武大夫這郡防禦使制

西師出塞咸有戰多莫府上功式稽信賞具官某衆
推勁勇自奮忠純執銳被堅久居行陣斬首捕虜能
立勲庸用陟邊防 陞橫品益圖報效嗣有恩光

陳偉節直秘閣制

朕聘召元老尊強朝廷優禮殊恩寔循舊典尔大丞
相之冢子也一經之訓不墜家聲寓直瀛洲用作遇
庭之寵

盤洲文集卷第二十二

外制四

皇后封贈三代

曾祖吉水簿夏令吉太保制

士有戴仁而行抱義而處其道可以致君其材可以
興事而官不過八品職不過黃綬儲休衍慶在其後
人三葉之孫遂母天下則寵綏先廟不一袞而已也
具官某行修于身名播于外恬于榮進漫仕下僚積
盛德而流老致柔儀之昂貴愍書甚寵已躋亞保之
班却需先行庸正三公之冊營魂不昧勿替引之

曾祖母張氏衛國夫人制

國家廣顯親之孝崇告第之澤外庭之宰輔內掖之
妃嬪皆得追崇其三世矧敵體紫宸齊明義曜者哉
某氏懋徽柔之則秉幽靖之儀德配芳圖克恭蘋澗
福流來裔爰正椒塗茲推泰時之思大開淇奧之壤
祔以象服疊于幽扃

祖毅太傅制

朕登廷坤儀助宣王化內有進賢之志歌周南卷耳
之章外無出閫之言嬌漢代長秋之契推慶原之所
自酌慈冊而可行具官某令德藹乎州閭遠識該乎

今古有撥煩理劇之材而不得其仕有愛人利物之
志而獨善其身集之慈孫儼乎皇極式衍曾沙之祉
孰為幽室之光出帝傳之卹章寵廟祧之時享尚其
歆服益右後昆

祖母孫氏蔡國夫人制

朕稽二祖之聖謨變一陽之元祀蓋乾德嘗避
於近晦淳化始行於上辛茲邊鄙之有興謀著龜而
改卜雖神釐之未受豈邦渙之可苗某氏性婉而明
教賢以肅四德章于女憲六嫔講其壹彛婦道顯融
罔專鍾郝之美孫枝甚大遂成陰焉之家申刻窶之

新封表舍飴之積慶其以蔡仲之國用光夏氏之叶

父協太師制

和熹鍾鄧氏之慶不及護羌之存竇后登漢掖之尊
已結觀津之根茲值邊疆之事未行郊時之儀預出
息章敢遺戚晚其官其躬履五常之行氣備四時之
和抱材不專于修年委祉遂綿于後嗣爰有息女以
升中官詠任如興周之詩監于彤史法春秋褒紀之
義遜以師垣精爽如存寵先無斁

母趙氏福國夫人制

孔子叙詩以后妃居三百五篇之首塗山娥娶姜原

任姒所以助三代之興也今朕得淑哲以隆內治則
母氏之訓可忘乎某氏莊靚凝姿徽柔繕性出自公
族分玉派之餘輝嬪于德人協鳳鳴之吉兆篤生良
女遂履純坤永懷鄰下之慈孰尉宮中之念講陽陔
之慶典開長樂之階田尚其重泉歆此褒禔

張綬潘景珪賈選大理評事制

廷尉平斷天下之獄而負少事叢屢請讞之稽逗也
益者三人庶無曠職尔等明習律令秋御以為言往
充其官思踵平廷之美

唐仲友秘書省正字制

劉晏言天下之文惟明字木止朕既擢爾父於風霜之地破黨與之私矣爾弟兄鼎立白眉最良登策玉堂奏篇甚善宜居中祕離校群書歸休從容必無異同之論

王時升權兵部侍郎制

朕招延俊乂列布禁途庶幾獻納論思得厭難折衝之畧咨諏謀度聞安民和衆之言顧武部之闕人稽僉諧而出命其官某秉中庸之德著朴茂之稱版部幹旋合所柔之心計輔藩撫字踵龔召之遺風節費用而府有餘財勤簿領而庭無逋事未奏會稽之最

已勞宣室之思聚天下之兵朕方修于戎政率夏官之屬爾其治于軍防式汙良圖用禪上策無使之朝之譽減于作郡之時

翟貴妃封贈三代

曾祖世俊太子少保制

國家廣追遠之孝崇告第之恩外則三公上及其曾門內則四妃可罩于初室寵光之渥存沒俱榮某翟方進之孫班婕妤之祖雍容孝弟之行佩服詩書之言既抱器之甚良乃埋光而不耀慶踵來葉儀次中闡茲逢郊類之期光漏泉局之澤惟春官之西保蓋

朝路之巍班尚其營魂知此悠冊

曾祖母孫氏齊安郡夫人制

朕郊柴已具邊祲是虞稽皇祖之舊章卜長羸之百
月預行慶典敢後外姻某氏溫靚呈姿柔明宅志佩
悅奉萑蘭之獻錡苜黎蘋藻之羞盛德所延後人鼎
賁繇八月良家之選冠四星大極之躔茲以顯親之
思得推飾壤之澤祔之象服錫以脂封迺其有知尚
克嘉此

祖思成太子少傅制

朕敷求邦媛光贊坤儀夙有淑聲繼樊衛二姬之行

內無私謁非許史三王之家推厥慶源賁之卹冊某
許高月旦節挺歲寒以利物而存心不逾辰而諾仕
宜篤孫枝之祐遂登妃掖之尊茲有密章用光先廟
亞于儲傳祿彼泉運想其如存服七無斁

祖母張氏和義郡夫人制

朕初度郊類已戒先庚之期會有塞氛遂移建巳之
月雖神釐之未逆顧邦渙之難稽某氏毓粹名門儷
德君子柔則齊于鍾郝美聲軼于姬姜慶綿再葉之
英位冠四妃之上于沼于泚生能絮于蘋蘩如山如
河沒遂榮于翬翟光靈不昧永庇後人

父益太子少師制

天官書中宮天極其司四星大者為正妃餘則後宮之屬也王者求河雎之德卷耳之志者使之宣嬪則而應乾象于是有滂泉之澤及其三世之廟顧於顯考不厚可乎某秉青萍之器挺榘枘之材袖乎林泉不得其位篤生淑女遂亞柔坤以孝敬而事慈闈以謙約而諧椒屋六寢之間靡人不稱其以官師之冊越于幽隴以展其報親之心嗚呼休哉

母劉氏咸寧郡夫人制

聖善之愛其女以圖史之戒絲枲歲絰之事諄々焉

誨之于鄰下既亂又笄矣廼見其入禁掖登元妃光大門問豔于戚畹今也服澣濯之衣以六珈副笄歸而壽其親不亦榮乎某氏其儀莊靚其德懿柔祀其先盡執遵之敬事其夫得舉案之恭有女甚賢藹然內範報厥母訓洵出恩章茲裂宜川之疆式開湯沐之邑門楣之語驗于是矣

吳益妻趙氏越國夫人制

朕將燔郊燎偶警邊烽祖武可遵嘗講上辛之卜神心斯荅宜改長羸之初雖未逆于履視爰預行于慶典某氏儀容莊靚德履肅雍母訓少成循八篇列女

之戒壺彞交播為四姓小侯之師蘋藻絜絜嘗之羞
滌滌謹尊章之禮如賓有敬借老則榮茲崇鸞誥之
封益示魚軒之寵越為大國宜爾室冢

王述直祕閣宮觀制

冊府上應東壁之躔吾之略群書充仞棟宇寓其直
則與挾卷拂蟬之士等非繁歲月巧宦游者可得也
爾明經博古嫻于文辭一再超遷駿、顯列真之即
位弗安厥居予之郡符句閑愈力以其嘗入諫坡故
貼以美職遂其歸心蓋吾于言事之臣常委曲其恩
意如此

李若川權刑部侍郎都督府參贊軍事制

朕慕孝宣綜核之政推帝舜好生之心念畫地為牢
每虞其輕入故吞舟之網寧失于不經眷求時論之
英俾作秋官之貳某性資闡敏談辯縱橫沛然理劇
之材輔以傳家之學久徊翔于外服甫斬翦于近班
治賦成曹弗籠天下之貨贊籌督府能寢淮南之謀
身雖在于戎亭位不虛于禁索解嚴可莫踐職有期
五刑之屬三千在成康而能厝一歲之獄數萬惟于
張而不寃致吾空囹之隆賴汝立朝之效

張運知廣州制

二廣之區五羊最大藁洲蒲澗民有嬉遊之風龍戶
馬人政以撫柔為 得此良翰起之叢祠具官某蒞
盤錯之材去表暴之飾法家讞獄解密網之秋茶禁
路理財腐太倉之紅粟把麾而 歌袴可嘉念南服
甚遠於朝廷故遠率每艱其印綬尚風移俗易令字
黃木之灣則海宿山行害去綠林之盜徃副朕指益
殫厥心

陳正同贈四官制

朕禮優法從思駕臣鄰晚節柱冠已徇歸田之請一
朝易簪采興移壑之嗟爰有卹章告其居第具官某

風槩方整機猷碩唐蚤騰譽於峻岐遂致身于榮路
貳秋卿之禁索知勝殘去殺之仁承天旨于籌帷有
排難解紛之助把麾而去歌袴甚休忽驚垂盡之言
空軫云亡之悼增之四秩飾彼九京沒而有知歆此
無斃

潘景直祕閣致仕制

大夫七十而請老古之制也近人耽祿迴鐘鳴漏盡
而不知止吁可歎哉具官某學道洗必聲中其寔蚤
入京都垂上華轍晟府典樂祿臣司光皆當時之遴
選退休林壑亦既有平遺榮抽簪無玷終始中祕之

直非賢弗居光尔柔榆用迎壽嘏

李璿常仲循資制

爾淪胥異域久厭腥
挺然來歸亦著功效進秩有
命夸組和門益思盡忠用吞天渙

僉書樞密院錢瑞禮封贈三代

曾祖暄秦國公制

錢氏有德於吳越之民上天右之宋興二百年間枝
冒著衍重龜襲紫為播紳望族運籌帷幄祖孫相繼
發祥錫羨厥有自來具官某得傳家之學蘊邁俗之
材入聯禁途分司會之劇職出顯方面暢柔遠之英

規播紳高其令名史策紀其遺懿惟厥顯考光輔而
朝迄今三葉復登宥地天之報施可驗不誣大師維
垣已崇懿典四塞之國載錫密章是為有後之光益
篤無窮之祉

祖駙馬都尉景臻大寧郡王制

宋有天下凡將相之子勲貴之家以選而為副車者
無慮數十百人雖公立將鉞生極其榮而甲第綺襦
代襲豪侈求其來裔卓尔不群秉樞翊政先于三階
者未之有也具官某永昭陵之禁嚮異姓王之聞孫
謙畏慈仁白圭無玷享沁園之奉而有聲于戚畹傳

金籙之學而善訓其後人宜有孫枝致身兩地世德
之懿瞻前無鄰爵秩既尊疊祿泉壤盡以新社隰為
樂郊尚其如存服我休命

父忱慶國公制

昂霄之木不生于培塿之丘縱壑之奧不出于蹄涔
之水公侯之子孫鍾前人之盛烈受高門之美蔭奮
然有立為國光輝者所憑厚也具官某天姬之嗣休
有德名乘善履謙白首不變教忠之訓咸仰義方陟
我幾廷實爾賢息延登之始飾祿有常表其流光昨
國于慶式增廟祐之寵且慰烝嘗之思

妻高氏和政郡夫人制

劉向採取詩書所載賢妃烈婦興國顯家可法則者
為烈女傳後之秉直筆者莫不紬彤管之書序鵲巢
之德以足一代之史蓋婦人不出房閨美聞于姻黨
則名達于州閭至于垂之竹帛自微以至著非一朝
一夕之力也某氏桃姿蘭行華閱之英雖有姬姜孰
如賢範必娶高國偶合前言主饋奉嘗肥家盡善輔
佐君子至于掌樞翬翟之封以榮鸞誥岷峨之壤載
啓脂田享其偕老之榮益修內助之德

左僕射陳康伯祖母居仁越國公制

朕霖雨之思賢佐復正台衡舟楫之濟巨川遂強國
勢虜帳變發蒙之語邊氓諧咽哺之歡式衍慶源用
覃先廟其官某仁義根于心術孝友得之天姿懷利
器而不施彰華纓而漫仕惟邦之桀實爾之孫祿以
維垣厥封康叔之圖賁之新冊大開勾踐之疆音徽
不遐尚克嘉此

范成大祕書省正字制

瀛州英俊之躔也中興以來未有父子踵相躡者尔
學瞻而文緝耻美于前人益觀異書以正臯魯之謬

吳摠右朝奉大夫制

西師出塞日闢故壘中禁疏思用酬茂績尔頃居莫
府辨治文書靡監夙宵軍行有賴第勞增秋少示寵
光益思竭忠以濟勲閑

邵及之福建運判制

分道置使民之休戚係焉自昔用人或私其黨朕比
下令必對于文陛然後命之蓋敷奏以言明試以功
之意以爾吏能可取治郡有聲予節閩川廷無異論
故使汝便道奏事而絲綸不憚於先出也戢吏惠民
轉輸不絕俾七郡無不草之弊乃稱澄清之職

輩衍大理正制

朕慮法吏吹毛不循三尺棘寺之屬詳于用人尔决
讞之久以文母害其聽獄成思繼予反之美

戶部侍郎朱夏卿父勝非魯國公制

魯人類帝用駢剛於上幸漢代祀天歌朱明之雅樂
朕稽前王之成憲遵列祖之舊章偶四節之多虞變
一陽之大禮先歛中壇之福廣為幽宥之光其官某
名聞華夷功在社稷再安國步扶日轂于天衢其赫
民瞻應星符於台路有嗣賢之分鼎貳禁密而笑鞭
尉其陟岵之思出此漏泉之澤不改師垣之祿大開
闕里之封尚其英靈歆此愍飾

兵部尚書沈介故母莫氏贈碩人制

人子有吹棘之難創鉅痛深須步不忘哀感惟金草
之事起之于服舍則先王許其變禮蓋移孝為忠不
以家事辭王事也集氏四德兼全六媼所則相其夫
猶染羊之室仁其子得鳴鳩之風茲因邊鄙之虞奪
爾執喪之嗣却立有需少塞沉憂音徽不遐知有卹
冊

又所生母阮氏贈碩人制

漢文帝以黃龍見成紀始下詔議郊祀禮官曰古者
天子夏親祀上帝於郊迺以四月幸雍祠五時今朕

以邊事展期蓋亦有命于古也某氏其性婉淑其儀
莊靚迥生令子為時顯人入從出藩已盡立身之美
冬溫夏清莫酬養志之誠式慰孝思用推慈典母慈
如在尚克享之

盤洲文集卷二十二

盤洲文集卷二十三

外制五

王之望端明殿學士提舉江州太平興國宮
副

朕圖回治道招願時髦繼整相須聚精神于左右墜
淵為戒全進退于始終錫此明綸賁于近輔具官某
降材足用抱器不群茹古涵今明于先王之術本仁
祖義列於君子之林蚤歷通階屢分劇職召節遠來
于巴蜀戎旃持摠于江淮言兵體之三章自許與邦
之策堅帝意以十事載嘉尊主之忠迺繇諫坡遂纘

政地莫素懷之底績能專任而有為命其復往視師
闕焉久不聞問國人皆曰可去謂尚出于私心臺評
以汝為傾殆亦容于公議念股肱之舊弼推體貌之
優恩畀以真祠班之秘殿俾遂燕閒之志當無喜愠
之容噫孔子夫之宰予蓋知人之不易成湯至于帝
己何謀國之皆賢其服寵光尚思報塞

敷文閣待制朱翌左朝議大夫制

三年而計群吏若稽陟典之文彙目不離小官獨減
從臣之考茲協銓曹之格實彰名器之以其官某學
問淹該詞章典瞻右物書事馬遷有良史之材西掖

出綸蘇頲為代言之最論思皆本仁義吐茹不以剛
柔苑披謔波久于炎滄絕逢更化連命承流撫字不
諱其勞循良無媿于古雖奉祠而養氣蓋近秩之庶
條其服明給以暢榮問

韓彥古太府寺丞制

吾以北鄙有累命尔祖先世之部曲以圖上其方畧
尔奮然願行無避難之邑歸奏便殿雍容可觀顧雖
攝事即闡而雉監猶須女也司府之屬俾復其舊往
踐厥官則朝有著矣

江淮都督楊存中久震秦國公制

古語云三代之將道家所忌倘世濟忠義則福祿昂
來遠而有權矣道家之忌豈其然乎具官某攷略傳
家盡力邊圉父子死敵名藏金匱天之報施乃在嗣
賢久典戟衛受知兩朝以槐衮齋旄而賜真王之履
以碧幢黃鉞而顯督府之威茲遇郊釐益光稱廟咸
秦之國載徽舊蓋英爽不亡尚克嘉此

王天覺循資制

兵出西方人百其勇第功行賞小大不遺尔名在轅
門戰攻有績進秩一等用示恩榮

王師心知湖州制

朕巡守三吳以苕霅為藩輔疇咨九牧欲召杜之人
材得此良翰諧于僉屬其官某望寔高嶷材猷碩庸
再登獻約之班獨抗忠嘉之論孟容還制多士想聞
其風山濤執錘人物各為之目郡章再結帥節五移
拔薤本以抑強嚴霜可畏憇崇陰而聰訟白日顯行
凡牧人御衆之方無隨埴索塗之患茲選吳興之守
孰踰禁密之英賴善政有以撫綏則斯民不復愁歎
往振其職永孚于休

虞允文父旗太子太師

蜀道文儒之林也在西漢時嚴馬泐雲稟靈江漢擅

聲四海復來仰之如度雲景星曾未聞父子繼美及
致身鼎輔者我未勅吳異材間出高視前古世載其
英其官某包括群書洋溢嘉聞登名月窟仕不隆振
儲休子舍大其門閭光踐鴻樞握政柄聚精會神
景行夔高宮師褒遜制墨未乾茲講神釐復申卹冊
以彰教忠之訓以尉顯親之心設有知也尚榮享之

周時夔路運判制

蜀道去朝廷幾萬里吏有謬郵御史風聞所不及民
有冤枉不能陳理匪及臺省之庭與我仁民而戢吏
者其惟賢部刺史乎爾文吏足用稱有吏能蜀人也

又嘗治蜀之郡習于蜀之故也握此漕節是必振其
職矣

張宗蓋起復武翼郎充殿前司將官制

朕軫念勲臣錄用其後豈無蘇辛父子為時而奮乎
爾又山西將種有畷功于胸山我懷英姿拊髀屢歎
故奪尔苦廬處以交戰其思報國無忝前人

張子益妻封國夫人制

朕考功代而思虎臣既褒其祿又擢其孤猶以為未
也顧其卒生忠義不以家為者皆伉儷之賢有以相
貳之某民端肅之行柔明之性稱于宗党宜其閨門

于盖汗馬邊城嬰疾不壽使尔有未亡之歎而感伊
威之詩也茲廣脂封昨以成國庶幾乎石窳之意

薛良明知臨安府制

尹京之任亦難矣趙張三王擅名于漢後世猶議其
明者傷于太察嚴者傷于太猛鮮克有終殆以是乎
國家之都土京也尹正者皆輔弼之儲其望崇其權
重可以不憚大吏可以不避強禦懷私者不得而撓
之依勢者不得而搖之故其威易立其政易成今暫
擇吳中名同而寔異責重而勢輕故居之者為尤難
爾整煩撥劇裕而不迫接物處事和而有五使節州

麾名震中外靡人不以尔為材也疇咨四岳擢尔夫
府當官而行思善其後

趙渙江東運副制

都城之外其權重者無出于部刺史百吏之升絀一
道之戚休係焉寬則人無所憚蔽則萬事不理猛則
澤不下流傲則情不上達傳不云乎過猶不及二者
之火等耳尔材而甚健人謂棄剛屢乘使輅亦敗白
首今予命汝持江左之節平其心守其局則汝之職
舉矣

吳芾吏部侍郎制

朕疇咨與誦品覈寔能與其彈壓都城勞以牒訢控
僛之事豈若澄清選部振其銓總公平之休弊必務
于盡除任弗嫌于數易其官某識遂以敏材同而通
再入中臺乃率秋官之屬暨居東省嘗分夕拜之權
擇良牧以尹京報貳卿于司列甫踰月律已播治聲
雖稱職可嘉在前孰出其右然審官既闕至今未得
其人妙簡周行俾尋故步夫鏡明則塵垢不止衡舉
則輕重罔遺惟吏茲有鈐制之方則仕進免滯淹之
歎益行已試之効用廣無窮之稱

黃鈞國子正閔者孫國子錄制

朕懲省官之非廣剋材之路搏士負感復其舊輔臣
謂爾通經術善屬文西州之英也召對可采列之學
職勅帥以正無負推擇

周用之循資制

朕以慈闈有天地之德顧無以報之日者奉寶冊尊
徽稱辨治之吏序勞進秋亦其一也祇此思渙思稱
所蒙

鍾世明復直徽猷閣知廬州制

合肥重鎮也新遭兵革之難民失其居朕誦鴻雁之
詩謀方伯之寄命從臣御史公選可勝任者爾翔歷

中外久有能名荐膺鼎來僉言無間茲用起尔護域
界尔帥節还尔美職尔其以誠報國以仁撫民以智
守邊以材某事使歸者輻湊閭里熙々田疇日闢則
諸大夫無失舉之責矣

汪澈揣明殿學士知建康府制

十國為連莫重高牙之寄兩都相望寔兼鉅鎗之雄
爰出華章式崇舊弼具官某量包山藪識並著龜有
貫穿今古之學而尊其所聞有酬酢事物之材而見
于歷試忠臣謂之骨體獨振臺綱執政其猶股肱嘗
參國論制荆襄之額開銷疆場之外虞久懋叢祠甚

淹遂業茲聽輿人之誦俾還秘殿之班護我日畿鎮
夫天塹惟虎踞龍盤之壤莫府既尊則雞鳴狗盜之
蟲非謀自寢徃圖綏撫用副倚毗

姜詵兩浙運判制

王畿千里外臺耳目之選非它道比也以尔久于官
路綽有能名揭節閩川及取而代哉漕闕貢肆以命
汝惟明則能察吏姦惟公則能革衆枉惟勤則能辦
王事毋徇私以干譽毋媚上以害民十日所視可不
勉哉

倪偁太常寺主簿制

薄領雖卑奉常盈禮樂所自出有列其間則與聞稽古制作人事它寺不可同年而語也尔強學好修久率多亡俾造履嗣益觀所長

錢端礼參知政事兼樞密院事制

朕居域中之大以天下為公念立政之惟艰孰稱前疑之任倘量材而可倚難拘左戚之嫌書贊稽乎人情典故存于國史具官某學該古訓名著清蹕履慶時極飢渴之思致主出忠嘉之縉下王恢之議終始未賞異同成魏絳之功南北以之休息自登右府兼贊中臺見施置之無私喜規撫之可久都俞契合執伯

牙之操進鍾典領雍容盖庖丁則有餘刃其參國秉共立邦基仍尊帷幄之籌匪專俎豆之事家聲不墜臣節甚休噫二百載而中天歆顯祖宗之烈三十幅而共穀所資輔弼之良勉奮尔庸以濟于治

虞允文同知樞密院事兼樞密院事制

朕仰承慈訓光紹慶基經武整軍莫重本兵之寄移風易俗常怀修政之難時有異材助吾上治具官某學周貫變識縉經綸運堂上之寄兵方顯兼資之略掃舟中之敵國遂成無競之功茲陟宥庭仍禪政路已見贊襄之效庸知密勿之長離婁燭千里之隅物

情難隱柳下奮百世之上時望浸高宜副斗樞併參
天緯所賴股肱之助無復毫釐之差噫衆賢和于朝
當法臯夔之迹一相處于內非專周召之權益展英
規用隆華問

王剛中端明殿學士僉書樞密院事制

國家以得賢為重人臣以逢時為榮况登四近之班
實應三階之象惟邦之彥非朕可私其官某誠懼無
華特掄不倚學有根柢而抗以高明之識言無枝葉
而發為典則之文附翼攀鱗蚤從容于宮邸捫參歷
井獨振耀于藩垣趨節召而復來聽履聲而可識虞

憂之書渾心尔方推禁苑之長伊望之業凜心于且
陟籌帷之列所資忠力同起治功噫尊俎可以折衝
盍茂明于上策股肱其惟執政無專美于前英往體
至懷奚俟多訓

魏昂魏昌承信郎制

爾父盡忠報國死于行陣恩及存沒不一而足咸界
命秋勿墮家聲

胡昉直祕閣知盱眙軍制

邊城新遭戎馬之難勞未凋瘵必惟其人尔少長准
濡習知風俗富直中祕起分郡符無輕一障之乘遂

塊鴻鴈之雅

制 暮嘗太常丞同舜元太府丞魯可封將作丞

九等三監之屬嘗合丞簿為一今還其舊所以開搜材之路也嘗決科之久達于礼文舜元名卿之子習于材賦可封學古而仕幹用有稱為官擇人分佐具長各思盡忠無或負丞

唐輅大理司直制

獄人之司命也吏或巧心析律高下其手使無辜者遭刑罰豈為民父母之意哉故選儒臣為司直所以

申其柱也常思名官之首則人無寃矣

龔灣國子正制

褒衣博帶之儒覈其類者咸集于膠庠表正之官未易居也尔博古知今卿曲有譽力行所學用副選掄

祝閔利路運判徐人傑江西提舉常平制

部刺史握澄清之柄動搖山岳震懼州縣困非其人下測受弊尔閔夙有吏材再任蜀道就持漕節以饒玉師所以省送往迎來之費也尔人傑儒林之老久列郎闡俾陟倉臺以臨江右所以狗更迭補外之請也繩奸擿伏思振六條寬我遠懷恃尔之職

陳輝知廣州制

番禺為一都會象犀珠香之湊見者惑之貪泉之詩
所為作也遐萌高於朝廷連率係其休戚必得文武
咸風知大體者廼稱其選以尔老于官途飾以儒術
蘇佑鋤強勇于去弊旌旗蓋海南伯甚尊昇尔重權
用族報政思濟斯民以稱朕仁不異速之意

竹友直循資制

日者宿衛置使大開莫府尔名在籍中厥有賞典進
秩之榮國不失信

韓慤胄循資制

國家除戎器以藏武庫常下諸郡作甲尔能勤其官
先期趣辦爰進一秩示信賞也

左迪功郎龔摠父紱封右承事郎制

朕以孝治天下推葦壇之澤于有官君子凡躬背親
齒之老有子列于仕藉者咸得而翫光之尔修身齊
家旄期稱道義方之訓著于鄉鄰載增命秩以為尔
柔榆之榮

馬希言太府寺主簿制

利于朝者 措紳之選况九寺之屬乎尔摠領工
巧旁于辨職司府勾稽肆以命汝往攸而長益勤其

官

胡堅常直祕閣知盱眙軍制

盱眙新創於兵數月之間郡將三易遂擇其人將以
後流亡而通玄市爾賁京邑咸謂有材召對便朝
占對可喜富且藏室畀以虎符能振其職則吾無此
顧之憂矣

洪葳大理司直制

法家者流或用刑定罪安忍深刻失先王仁恕之意
司其直非儒者安歸乎尔名父之子顯門擅業徃踐
其官必能以古義法疑獄也

袁震循資制

日者北鄙有釁

慈宮視師江上凡扈從之吏無小大畢進其秩尔名
在藉中宜受茲賞

李暉降官制

爾掌征商之事課預于常宜在大誼之域又訟其僚
驗之無寔并按尔罪獄不懲可乎奪官一等省我寬
科

朱華孫降官制

爾為縣大夫更有乞取之姦而憎不之覺婚錢會計

差舛豈無雀鼠之可疑也寧失不經姑用貶秩服我
寬典思蓋前愆

知贛州趙公稱復直祕閣制

朕慕西漢良吏之盛故信賞必罰猶名責寔祖述孝
宣之政尔頃坐小過失中祕之直既更失肯而治聲
達于朕聽還尔舊物思所報焉

盤洲文集卷二十三

盤洲文集卷第三十四

外制六

張孝祥復集英殿修撰知靜江府制

炎嶠分疆八柱獨為善地有唐重外九牧多用詞人
我得良翰可寬遠慮以尔性識超詣學問紛綸抱昂
霄聳壑之材剗斂焉許鋒之器廣廷對策諸老生莫
敢抗衡而禁代言它學士至于閣筆與股肱之劇部
掌管蓋於苗都治有能名庭無遺事睠遐萌之末艾
咨南伯而匪輕稍還論議之班往重蕃宣之寄摧埋
、或奸法令當去渠魁淄蠹之在州間蓋新軌轍因

須賢立吾不汝忘

李珂改官制

仕者滿六考有荐者五人然後脫身小選亦可謂難也。已矣尔好學能文嘗見推擇便坐賜對詳整可未跡之王官非常典也。思我思渥有以稱之。

劉芮湖北提點刑獄鄭丙湖南提奉常平制

部使者分耳目之寄職有劇易而澄淸之推等耳尔芮佐于孰判論議不阿尔丙材資敏明知民疾苦持節重湖盖未久也易地而慶僉曰允哉或搃岸獄之柄或行歛散之政使人無冤事無弊則唯尔之休

張訓通復官制

失律喪師罰難苟免昔災肆赦澤所不遺尔久隸戎行嘗劇敵壘治弃甲戎兵之罪已嚴誅推息黜補劑之恩稍还舊秩勉圖後效用盖前愆

魏彥轉官制

山越弄兵騷武嶺表尔控弦擐甲妖鋒解圍禽敵厥功茂焉爰陟崇階書之勇爵益忠報嗣有恩光

劉淑贈官制

甬氣吞群盜履刃登鋒奉勇無前沒身流矢爰加旌

典并錄遺孤三泉有知服此恩渙

孫諒將送郡刺史制

群盜蟻聚五顯靡驚 聞歔歔之音可後踰時人賞
爾精忠自奮沉勇無前獨提壘虎之師遂清狡兔之
窟昇之州絞夸尔戎旃當令黃木之灣 見綠林之
迹並思功效嗣有恩褒

吳撥轉五官太府寺丞制

太府掌貨賦之貳而頒貸賄于受藏之府蓋周之舊
官也尔材器莊粹佩服義方萬里侍行西平有子俾
丞九寺仍陟五階用增濟美之休且示褒忠之勸眷

往涉其華以對思光

吳栢轉五官直祕閣賜紫章服制

朕注意瓦戎遠馳召節晉畫三接未盡褒賞之意尔
教忠有訓稱其家光躋進文階俾直中祕仍錫金章
之寵式增綵服之光

周夢若母許氏封孺人制

朕浚祀紫宮推澤避迹影纓仕路者其親九帙則有
圭組之榮與夫湯沐之邑所以教天下之孝也尔壺
範之賢擇鄰有訓 華髮逢此恩榮用增三釜之
歡以彰四德之報

莫延履承信印制

爾尋其故土慕義來歸載嘉忠忱宜有褒異俾跡任
版用示恩榮

彭昇貴州刺史制

右列以遠郡為崇非異恩不能到也爾嘗扈慈殿積
有勤勞寵之州旗宜思忠報

王淪浙西提點刑獄實敦潼川運副制

坤維吾西土也距朝廷且萬里吳中吾駐蹕之所也
外臺去天總尺五朕視其地如戶庭視其人之休戚
如一身衣嘗有遠近之間分道置使履送非輕爾淪

嘗持閭節有澄清之譽茲用命爾察刑于近畿爾敷
嘗典蜀郡有平易之政茲用命爾轉漕于舊壤能使
民不寬用不乏官不媮吏不蠹則爾之職舉也

薛鳳國子正季翔太學錄制

士不遠千里而來使其漸摩道義 服規矩則表儀
之列可非其人乎爾鳳爾翔儒之秀 其推正心誠
意之學以助我長背之教

魏吉甫大理許事制

孔門高弟片言可以折獄周書有訓西造然後聰辨
爾詳練法令宜列理官欽哉欽哉毋寧上下共手

凌景夏復敷文閣直學士制

朕禮神頌祇已用上辛之吉滌瑕蕩垢率循令甲之
常惟時從臣未獲舊貫爰推 涇實束僉辭其官某
識遠經邦董函德字出入 宇中外聲名著于遐迩
重鎮擅牙過邊衡于尊俎清矚聽履振公道于銓衡
頃出多言退 閒館茲廣泰坛之澤俾還內閣之班
往服綸恩以需節召

資政殿學士湖南安撫使黃祖舜轉一官致
仕制

輕裘制間遠馳草藁之聲方幅叩閣遂露抽簪之請

勉從雅志用出哀書其官某識洞眇綿量苞廣特稽
霜不膠于紙上經綸自得于胸中有嘉夏國之誠屢
納庇民之請崇脩樞 陳泰階六符之經任重藩垣
修方伯連率之職正仰折衝之效遽高知止之風眷
此老成 勞以事增之品秩式寵其歸往佚御粉益
迎壽祉

李如岡磨勘制

三年而計群 若稽陟典之文彙日不離小官獨減
從臣之 茲協銓曹之法寔彰名器之公具官某識
探道原智優 其司利禁路鞠茂革 圖扉敷惠藩

方美甘棠于南國奉叢利而通志增華秩而庶條往
服恩綸益休

梁夜彦轉送郡刺史制

朕惠降典之
其法自貴近始所以奉
三無私也尔
文史典司官
能勤其

官環列序進訓
有賞州紱之榮與
類等益思忠
恪以對光寵

周夔封宜興縣子制

朕爾守洪基肇禋紫疇當路寢齊居之
雪甚繁
暨閱宮朝獻之辰陰雲盡解兔歿熙事爰布慶條

時舊德之臣宜出明綸之命具官某深忠許國遺直
事君非堯舜之道不陳同熙庶績治管晏之佐弗及
咸仰貴名屬三歲之親祠值四郊之多壘建改卜之
議能稽
皇祖之成規近消成之休遂展奉元之大
報會育
請莫陪顯相之儀茲舉典章用開爵
邑噫致齊侯之昨有考舊聞受宣室之釐敢懷專鄉
益緹吉履用
是表

王之望封襄陽縣子制

朕遵前規于
變熙事於一陽啓勢而郊協暮
國駢犧之祀獲獸以饋若漢代白麟之章既歲上儀

用推慶澤其官某志規致主壯志絕人間紫闥而攀
台階崇 穆天緯而紐國體密贊萬幾緬惟消
選之辰寔參 卜之議偶休閒鉅莫相明裡茲既穀
璧之封乃荒 食之邑噫百神咸 已格嘉虞之休
萬福來同敢怀專鄉之意吏綏吉履 對恩鞠

黃祖舜贈五官制

祿賢 德稽載籍 隱 崇終存有邦之典今
若時暇 守 輔臣方覽柱冠之章忍聞易簣之語
告其居第出此卹書具官某器局沈深夙規直諒傳
孔孟宣賢之學入淵審德行之科知佐是謂股肱久

運中樞之畫俎豆嘗聞軍旅爰分方面之推羽淵忽
夢夫黃能長沙果集于子鵬命之不淑識者咸嗟用
增幽壤之榮香進文階之品尚其不泯歆此猶生

劉三等轉官制

爾等項以軍興奔走新置宜推賞降用獎勞動

高勳軍立功人轉官制

淮潰之役氛祲盤結爾等或被甲戰野或銜枚攻營
第賞賚功咸進階秋益思忠力以對恩榮

權兆州趙令結妻包氏封令人制

爾夫身苗異 而上師薄于城下尔能率軍民望風

歸義忠壯如是女史所無宜錫令名以間脂澤使妾
男子知所媿焉

楊貴等轉官制

西陲受敵百將 功尔賈勇奮忠斬首捕虜幕府差
次宜陟崇階徃服恩光益圖報塞

吳益轉右朝奉郎制

朕惕奉慈謀光臨寶祚膏覃中外之慶廉分大小之
臣其官某接物惠和宅心瑞粟披尋竹帛如師友之
淵原怡養丘樊玩煙雲之舒卷頃階戚党蚤綴從班
獲逢嗣服之恩寔應遷官之典益思謙畏用保寵榮

薛良朋進職制

人主以八柄取群臣予奪廢置猶雨露雪霜不可以
偏廢也二浙歲惡不入民多菜色朕隱憫流徙食不
甘味故坐視不恤如嘉如康祖如宥之者則絀之奉
使稱職如豈如開者則陟之甬奉行不 取採有旁
顧不賞可乎進直河圖尚勉之哉

善說進職制

朕哀凶歲之民艱殫野之慮採蓄之策靡不施行至
城之外流亡四集今既數月矣幸而生存則可以返
其田廬有司勞於振卹者以次取賞寧過于厚所以

勸勤事之吏庶幾乎廣我仁民之心也尔閱視調委
不鮮厥職道山之 時謂復思益思其終以稱群淪

韓彥古博官制

日者聚飢民于四郊分官吏稟饗嚮致醫藥尔攝承
民曹寔參其事今生者可歸第勞出賞增秩一等以
勸後之濟斯民者

吳揆駕部郎官制

卽位上應乾文為朝廷華轍爾有列卿寺訓墨未乾
跡之司輿時謂異渥所以彰乃父教忠之美也惟尔
行安而節和必能恪居厥官以稱朕意

閻安中中書舍人制

朕考三代以來在兩京最盛文章煥為可述莫非爾
雅之辭號令罔有不戒初無替否之迹追還古始有
待髦英其官某學闡立墳聲諧韶濩决科文陞切立
冠夫諸儒掌 儀曹光焰 輩介然有守卓尔
下群自入室 新學法換策負素 爭親于模範
躡綏整 者咸中乎規繩惟禁路之擇材輟師資而
為誥雖出綸出綽欲求潤色之上顧為紀為綱尤賴
論思之助往踐厥次時惟休哉

趙伯強承信郎制

角父蒙盾授旌項于行陣錄秋之澤所不可遺往即
官貶式思所報

葉顯磨勘制

八柄詔王厥分爵祿之等三載考績率循法令之常
雖列從班必遵彛矩具官某賦材碩大迪德忱恂登
環轍于官歧晚垂紳于禁路秋官漸獄議者謂過于
張文部典銓時踈後 盧李茲因 課寔庶遷階庸
出絲綸之褒庶增筆索之重徃祇 渥益廣林聲

劉儀鳳磨勘制

設六卿之官是為通列考三載之績蓋踵前規若時

禁宥之臣亦限史銓之 具官某淵原種學典雅摛
嗣自揮翰於南官即主盟於 司馬掌九代之法
厥有死張太史成一家之言正資筆削茲因會課實
庶遷階初非不次之恩庸示無私之典徃祇茂命益
暢美聲

吳璘判興元府制

漢中巨屏寔蔽極邊關外重權毋踰元 出茲言綽
新被轅門共官某名 武主凜 中堅之
望蕃 上將之元建 以 寬速頤

雄心於狼望之北獨蘊 懷茲戴戴于師干庸近

于幕府九命作伯孰先倚爰之親十國為連益賴扞
城之助副我注意知汝匪躬往寃英敵奚煩多訓

王大寶禮部尚書制

朕遠覽周書尚猷詢茲黃髮若稽虞典疇咨汝作秩
宗復起老臣甚諧輿誦其官某抗高明之識馳魁壘
之名紫臺崢嶸孰並驅于禁路兒囊剴切殆獨步于
諫垣雅操不移高風易方奉祠而均逸忽上牘以
遺榮細懷骨骸之英浸勞夢寐之想遠趨一節既無
俟駕之淹載錫兼金寧有桂冠之執爰蔽朕志俾長
春官蓋進德以尊朝期用禱而益國詩論礼樂豈止

玉帛鐘鼓之云猷納歲規庶幾几杖盤盂之戒柱祇
厥位惟爾之休

方滋權刪部侍郎制

朕俯酌人情若稽禁罔前之所是著為律其存畫一
之章爾曰勿宥惟厥中斯濟登三之政比申細礼用
戒祥刑疇咨明恕之才俾摠平冠之柄具官某縕沈
深之識樞盤錯之能使節州麾殆艱難之歷試民風
吏蠹無纖介之可欺輿議皆稱其賢三紀久勞于外
宜持紫橐遂貳秋官夫法令譬猶江河蓋易避難犯
之義若夫書盈于几閣有奇請它比之無已肩鐻乎

兩端唯科條于三尺其推朕意毋忽獄訟而稱職
之休成我知人之哲

王承祖等轉官制

甯遂隨戎莫來造帝庭用陟官朕以示還歸之寵

唐閱國子司業制

古之君子經為人師行為人表故居一鄉斯一鄉化
在一國則一國治今朕羅天下秀異于成均修袂方
履閭、秋秋然不但取其庠聲序吾之盛為美觀蓋
欲養材器脩官使也以甯禪顯門之學高月旦之評
入朝十年恬於執利彌邵之德稱為醇儒比因使指

之還嘗賜清間之欵占奏詳整簡在朕心徃誨諸生
思稱其職

王弗權戶部侍郎制

朕若稽

仁祖常用許元雖增秩迂階至列賢科之籍而歷年
玩歲不離射計之官蓋久其任而得人則盡其才而
興利今朕此選將庶幾焉其官某智慮從橫材資超
詣歷官岐而甚久惟心美_之最優通知食貨之源灼
見公私之弊對之所陞嘉富國之謀敵試以版曹有
裕民之方略其顯治賦之柄勿分約法之勞要當解

瑟而變更母或守株而苟且從班足可施設非雖處
囊中之時用用賴以贏餘珩錢流地上之效往追前
哲嗣有褒章

鄭立改官臨安府知縣差遠制

賜對于所朝易階于小選雖典章所有而思不常出
也爾粹于學問稱有吏材敷奏可嘉不誤奉者畿內
壯縣用試尔能政績有成嗣將飾擢

韓君古直薇猷閣知嚴州制

爾攝承省戶以語言之失罹于清議自詭治民吾以
乃父勲藏盟府不汝疵瑕延閣汝舊物也嚴陵吾輔

郡也夫美錦尚不可使人學製况千里之寄乎爾其
矯揉修錫允蹈中庸使寔惠洽于編氓別爵任可以
長守敬之哉毋荒弃朕命

盤洲文集卷第二十四

盤洲文集卷第二十五

詞科習彙十一首

戒諭諸將撫拊士卒詔

勅朕嗣有令緒躬履多虞披榛莽而立朝廷未濟艱
難之業聽鼓鼙而思將帥有懷屯戍之勞比雖通兩
國之和詎敢忘五兵之備邊城密邇政擊柝以相聞
我幕崎嶇亦暴衣而浸久慨此執戈之衆未知稅駕
之期惟山林未息於馬牛致介冑尚生於蟻蝨風灑
露沐日削月朘左親戚以相從舉室家而靡託興言
至是軫念于中雖進元戎與參密議每虞裨將未體

朕懷或狃故常固加存撫廬舍弗矜其燥濕糗糒或失於時宜有乖挾纜之恩靡同投醪之義由今以往毋蹈厥初其同甘苦之情仰副懷之意未能按轡親巡細柳之營儻遂橐弓即議之賞勉爾報效共享升平

今監司舉廉吏詔

朕聞上古之治百僚師之盡瘁竭節罔不清修淳白以振乃職勵乃事是以教化興行衆庶樂業咸以康寧朕承洪業託士民之上于今十有六年數詔有司務行廉白撫綏吾民將以配三王之隆明先帝之德

也今吏率以貪漁為常年賦其民慢視厥職弗以經意而方絜之士飾躬自將挺然不徇流俗者又沉滯下僚壅於聞達薰蕕不同反罹訛毀部使者罔克聞知奉詔宣化如此豈不謬哉方今國家少事繇役不興兵革不作而民多貧困失職厥咎安在是廉吏不興而貪吏未去也部使者不以為意朕將何任哉夫部使者位尊責重所使任朕外臺之耳目也其各公乃心廣乃視聽歲舉所部廉吏一人上其功狀朕將識擢以風在位而律貪夫

今宗司舉賢宗子詔

勃朕猥以眇躬嗣承大業觀軫轄之象傷同姓之孤
睽誦角弓之詩鑒前王而親睦思強王室廣用宗盟
莫枝胄之繁興為本根之庇蔭挺：有祖風烈何獨
舊聞顯：為世豪英豈無佳士爰舉先親之典每防
踰戚之非或剖竹分麾出界朱轡之寄或垂纓戴
進叅紫橐之聯局虞或抑於下僚未克盡濟于顯仕
昔周家致治毛原迭位於公卿唐室多材程石繼登
於鼎鉉曷於今日有媿前朝夫踈遠鯁生尚能謀國
豈神明貴胄不可亢宗凡我懿親宜遵明詔雖行有
九德惟知人之固難其歲貢二人則進賢而必賞益

思汲引以副招求

御史中丞除吏部尚書誥

勅分職以倡九牧周寔重於列卿掌選而主三銓唐
尤高於文部迺朝廷之貴 須識量之名臣朕得其
人使率其屬具官某剛方 任公正無私謙：有君
子之風蹇：屬王臣之操學道墳索酌道德之淵源
才冠等夷游文章之林府久騫禁密 首憲司嫉惡
如讎觸邪罔避白黑分於轂下中外畏其筆端豺當
路而不問狐狸臺網大振獸在原而莫來藜藿國勢
愈尊爰 伯之聯俾典天官之務其考覈於流品

無殺混於賢愚盡草顏網一清選部山岳動而州縣
皆震威已竝於思謙筦庫擢而門閤不遺美無專於
辛術往服朕命是惟汝能

代宰臣以下謝進徽宗實錄賜宴表

更述信書昭揭先猷之盛思霑迺密式頒嘉宴之私
仰佩寵榮深深感涕中謝共以

徽宗皇帝文周經緯道合希夷禮樂粲然復興刑罰
措而不用垂裳平治邁三代之英風脫屣崇高躡二
皇之遐式於鑠岩廊之美有光竹帛之傳中偶兵戈
蕩為埃燼爰極罔羅之力遂臻纂輯之成事不一書

誅姦諛於既死言非虛美質鬼神而無疑豈期法酒
之陳廼及素餐之列撫存若此報稱謂何茲蓋伏遇
皇帝陛下情篤孝思德先仁政克濟中興之業能昭
下武之功揭大訓以麗天方切美墻之感賁殊恩如
湛露遂加柱石之微臣等獲際昌期滯登顯仕有頌
其首既膺魚藻之歡惟既厥心少竭鹽梅之報

代宰臣賀收復河南州縣表

善師不陳初無攘狄之勞文德誕敷坐受歸疆之請
一人有慶四海交歡竊以災際中微適際阡危
之運胡人南牧肆掠之蓄長驅中原荐食上國

惟昊穹之悔禍致勅敵之乞盟狼子野心蓋自舞干
之格神州赤縣遂無血刃之王綱所加車書同道

宣王復文武之士永固洪基齊人歸郊謹之田不失

舊物旋倪鼓舞宇宙御名清恭惟

皇帝陛下聖敬日躋勇智天錫懷禁暴安民之志捐

窮兵黷武之心單于朝本聖人以天下

馬度干戈載戢復古之勳師徒不勤自獲和戎

之福事載竹帛功光

祖宗臣等猥以庸材叨居近弼一心盡節獲聞五利

之謀再拜奉觴願上萬年之壽

代宰臣賀正旦雪表

三微更始正王道之大端六出飛花起年豐之嘉慶

自逝及遠式舞且歌中賀竊以葭律移灰方陬月棣

通之際椒花獻頌正洪禧萃聚之時蓋聖人之德無

加則天瑞應誠而至葵心向日方瞻鳳曆之頌柳絮

因風已發兔園之詠雜軒墀之玉砌成宮闕之瑤臺

寔一人有威之符示百穀用成之應良史直筆已書

天地之珍太師陳詩行播千倉之茲蓋恭遇

皇帝陛下履端於始與物為春惟盛德上合于天故

圓穹不受其道既頌聲之竝作致協氣以橫流七政

齊於璣璿有合璧連珠之瑞四時和為玉燭無鳴條
破塊之災故茲五穀之精降此一歲之始臣濫司台
柄獲覩休祥燮理陰陽大懼絲毫之無補勤勞稼穡
行觀廩廩以皆盈仰望龍顏徒深鰲抃庾肩吾謝曆
啓拂瑄移仄
識權衡之端始書堂
占瑞知玉曆之更新

代皇子謝明堂加恩表

展采合宮克達明禋之薦均釐宣室遽叨惠術之頒
遜避莫從震驚固措中謝竊以聖人饗帝式虔報本
之誠孝子事親必極寧神之奉亶哲王之稽古嚴烈
考以配天吉既卜於秋辛禮遂行於陽館用荐一人

之馨德聿來四表之歡心咸造在庭獲覩彌文之講
竝受其福誕霑天澤之流臣襲慶星潢駢暉寶蓐勉
飭溫良之行愧無岐嶷之資建旄設旆節擁雙城之
貴剖符錫壤爵超五等之崇逮茲熙事之成復冒寵
章之及轅由加厚主賦增腴拜賜甚榮撫躬知感此
蓋伏遇

皇帝陛下廣運帝德克享天心比及三年屬有宗祧
之事賜厥五福故使子孫無忘致此之綸被於弱植
臣敢不祇承徽教益迴令猷學禮學詩恪謹通庭之
訓惟忠惟孝誓堅衛社之心

代普安郡王謝賜第表

奉藩王室將從外邸之安築第神京遽拜大君之既
俯惟虛受內積愧懷中謝切以世祖推恩長安列六
子之舍明皇廣愛華清建百孫之居未聞弱植之微
臣獨庇中都之大廈是惟隆典有掩前修臣德陋中
和器慚竒穎出從外傳祖讀河間之書入侍嚴宸曾
乏東平之善荷龍光之俯逮顧鴛鈿以難任渠門亦
旂已峻將壇之拜元冕朱黻更兼王爵之封豈期十
札之頒退奉一區之賜敞高閣於吉壤分清禁之餘
光乃寢乃興遂偃仰棲遲之樂既怡既懌無囂塵湫

隘之虞豈惟拜命之忻幪固宜隆基於久大茲蓋伏
遇

皇帝陛下治先睦族義重隆親胡不攸焉鑿獨行於
杖杜式相好矣歌攸等於斯干故茲宮室之成特壯
本根之輔臣敢不仰銘睿德益勵臣衷夏屋渠々每
念滿盈之戒小心翼翼々誓堅忠孝之誠

代邊將謝賜春衣表

聖主疇勞載錫春成之服戎亭拜命咸叨天賜之恩
稽首歡呼省躬感厲中謝叨以楚人挾纊彰撫循士
卒之能漢祖解衣得駕馭英雄之術蓋君之視臣尚

思於足體則下之報上當務於捐軀洪惟清朝高視
前古既九月舉授衣之典復三春施賜帛之仁駐輦
聞詩常有及時之喜與袍同澤深懲借作之非遂致
無庸亦需大賚茲蓋伏遇

皇帝陛下握乾立極秉震當陽服光武之大冠久茲
得衆愛韓昭之弊袴必以旌功方陽律之始回念征
夫之在遠爰出有司之幣以為公子之裘萬里乘邊
未著七禽之績十行頒札遂膺一襲之恩拜况甚優
論疇何有臣敢不書紳佩德歛衽思忠揭竿為旗誓
奮犀渠之勇何戈與棹庶逃鷁翼之譏

代狀元以下謝賜中庸篇表

禮謹貽訓載先儒明道之言宸翰擣華賁新進服膺
之寵仰拜楓廷之况蔚為桂籍之光展誦兢惶珍藏

榮耀中謝切以道淪彫喪學昧中庸知者過之望門
庭而莫造小人反是納陷竄以奚知或卑污仍甚陋
之途而矯激肆至高之行惟顏氏擇中而弗失得窮
夫子之言至苟卿守焉而不詳遂墜孟軻之業雖道
之不行已久幸天之未喪於斯洪惟熙朝特興絕學
蓋百世俟聖人之作致諸儒識君子之歸共惟
皇帝陛下廣大精微聰明聖知得執中之一貫是傳

之湯用好問之兩端斯以為舜達治國九經之義知
修身三德之源乃睠顧生未明奧旨述天聖甚盛之
舉采子思不刊之經徒載空言炳若日星之著特形
妙筆粲然雲漢之垂俾之勉強而行庶幾從容而中
臣等幸逢治世濫擢儒科可以終身行之永佩一編
之戒不能基月守也益懲前轍之非

漢靈旗銘

漢元鼎五年四月南越相呂嘉賊其王及漢使者其
秋天子遣伏波將軍博德出桂陽樓船將軍僕出豫
章戈舡將軍嚴下瀨將軍甲出零陵馳義侯道出牂

河合其衆十萬會番禺以討之仍以兵事禱于泰一
以壯荆畫幡日月北斗登龍以象太一命曰靈旗太
史奉之以指所伐明年春遂滅南越拔其地為九郡
始用樂舞塞于祠上觀其師行若破竹一舉凱旋雖
廟堂制勝將士奮力所致然非得陰相安能成功若
此其捷宜有銘章紀神之休敢為之言曰

武有七德

禁暴為先

兵以義出

獲眷皇乾

招搖在上

聞之先古

我武惟揚

當假陰助

赫：漢室

六葉惟武

越夷不賓

敢肆螳斧

皇命伏波 耀我天戈 皇禱泰壇
壯荆揭幡 是為靈旗 繪斗登龍
兩曜旁列 三星為鋒 太史奉之
以指所伐 九夷賓將 速殄於越
蠢尔小醜 衆叛親離 烈々上師
上天祐之 尋隱失險 石門陷陣
一舉覆亡 地祈九郡 惟泰元尊
助茲有道 惟聖天子 蕩彼凶暴
洪願所指 莫我敢當 題芳千古
宜有銘章

蓮花漏銘

仁宗皇帝御宇之八載龍圖閣待制臣肅上蓮花漏
法琢石為壺刻木為箭以測十二辰二十四氣四隅
十千暨百刻分布晝夜成四十八箭為壺以貯其水
有鳥以注之有秤以平之有荷以承之水至則盈刻
箭與蓮心適平司辰者拱而謹視以揆景測辰雖風
雨晦明靡有差忒時司天官以其法雖符古漏而日
躔進退頗與黃道不合至景祐元年測驗無爽始作
而用之夫日徃月來寒暑推移以之成歲而考測盈
縮辨察昏旦非假器物則無以仰窺神道此挈壺氏

之所以作也而季世失官詩人興刺茲有國之先務
今肅以創物之智作為新漏世服其精臣操筆在庭
不敢甘默謹據其事而銘之曰

莫神於天

靈機淵奧

扶元動筆

望舒登曜

晝夜推移

時積歲成

聖人揆測

挈壺道興

季嗣不綱

法制淪亡

聚攮失次

擊戲乖常

於皇昌代

連珠合璧

疇人庀官

鳳氏司曆

聖主當陽

業：諏治

昧旦丕顯

夜分乃寐

有臣曰肅

創法來獻

琢石成壺

剡木為箭

高卑殊級

洪殺次陳

靈鳥挹注

芳荷吐吞

微若蒙蠅

提於激電

忽往倏來

鬼沒神變

登刻盈時

水浮矢飛

司辰疑日

雞人告期

畧景長短

風雨晦明

罔逃揆度

靡失虧贏

制符造化

昭則垂憲

億萬斯年

鑄芳金篆

晉白虎尊銘

晉孝武皇帝蒙三世之遺烈爰革魏正聲建丕業正

月之吉大朝會乃能端本謹始思有以來忠諫而興
治道遂設向虎尊于庭文武百辟有能獻直言者則
發尊飲之誠得君子居正之義而合光王思治之意
矣故當斯時有若劉毅裴楷之徒率皆仇然獻替無
有忌諱傳曰國之將興必賞諫臣晉武得之其英風
佳躅宜有銘詩而史逸其傳敢為之銘曰

攝提革歲

萬物更始

哲王履端

體元思治

於皇晉武

八克啓祚

弊剗堂塗

基荒典干

經綸肇造

政具交修

朝圖夕惟

懼其瑕尤

濟：春朝

駿奔羣辟

抱紫紆青

編星拱極

皇軫宸慮

謹始端本

屬節導言

使之思奮

迺設厥尊

迺酌厥酒

其形伊何

坤維摯獸

其獸伊何

藜藿之守

迺飲厥直

迺疇厥忠

其飲伊何

沃心匪躬

其沃伊何

格非迪聰

天子居正

虛襟來諱

卒歲圖終

德胡不盛

文武在列

肅然改容

褒一歡百

節胡不忠

有愆必繩

有過必除

無古之柑

無言之說

漢觴上壽

第講朝儀

杜舉存名

徒戒前非

懿範佳躅

自我作古

於萬斯年

銘詩可觀

皇宋玉牒序

紹興十一年十月宗正臣大受言宋受天命

聖祖相承親宗咸族遠肩堯舜三代之隆興仁厚之行享維城之安餘二百年宗寺舊書所掌有四項厄兵戎鞠為炎埃隆下比命蒐訪雖總圖籙屬籍為一書而玉牒實與

時政紀起居注相為表裏獨闕不存非所以篤叙糾合垂憲萬世者也臣愚欲望褒擬逸遺討論舊制以正昭穆以壯本支備中興之盛典臣不勝狗馬心惟陛下裁擇制曰可仍令相臣董其事書成有旨命臣序之臣聞傳曰欲治其國先齊其家故總睦九族聖人以為盛帝之極治周人親親則有宗伯掌三族之別以辨親疏小史掌邦國之志以奠繫世漢興首仍秦制創宗正官而歲上其籍于朝至唐而建寺設官玉牒屬籍各有司存其事愈詳矣宋有天下相授於今

十帝枝胄扶疎瓜瓞繇衍自至道中始修玉牒掌帝籍皇族昭穆之序仍命刑部郎洎編屬籍書至咸平中臣安易修成屬籍三十卷祥符中臣世長言唐李衢以玉牒與史冊並驅因名皇唐玉牒遂詔以皇宋玉牒為名且建堂于寺而仙源積慶圖宗藩慶緒錄則每歲元日獻而納諸龍圖天章寶夫閣建炎之役舉不復有

皇帝中興益嚴家法以化天下穀旒岩廊慨然以天枝玉葉蕩無紀錄乃博求而總緝之俯從議臣之請而四書復備甚盛德也臣切惟我宋之治名御崇宗明

親賢竝建所以尉薦教敕之莫不備至而戚屬感奮咸能自厲若駒駘之俊材辟彊之清淨敢向之學問平之賢峴勉回石之材德為宗室標的者疆漢駕唐而七國八王驕奢湛伏之患寂未之有璇源著衍既有圖籙而雍睦之政嘉言懿範與夫宗英事業可以鳴徽無窮尚闕而未著是書之成可謂備矣彼誦葛藟之詩形斗粟之謠者得無媿哉臣材學荒陋幸以文字待罪朝著既被命敢書其說以冠于篇臣謹序

盤洲文集卷第二十六

詞科習彙二

唐定襄道行軍大總管破突厥露布

臣靖等言臣聞王旅徂征遠問弗實之罪天戈所指
果收罔敵之功威震百蠻歡傾率土恭惟

皇帝陛下兆基開業經文緯武致治庶乎成康課功
賢於湯武風纒露沐掃姦慝以御名清天蓋地容躋
生靈於仁壽蠡爾奕厥誓然朔方倚父兄之餘資輕
國家之新造黃金載道莫充谿壑之求鳴鏑揚塵萎
肆蠱蜂之毒由宸衷之布德奠邊壘之銷兵姑遲驛

騎之 之策而豺狼忘 禽獸懷貪方走聘
車已負 乾口血復 渭水之盟援我賊
臣涉乎王略 軼欲事窺覷覆載不容神明所
殛臣仰承睿筭遠 天誅十萬之師六道竝進蹈壘
屠城而莫敢 過艾旗斬將而所向無前馬邑潛行
定襄夜入酋豪烏散部落驚疑精兵傾國而來謂
智將從天而下蓋戎人輕而無整怒墜不及當車而
兵机速則為神震霆不使掩耳尚守妖穴退逃鐵山
詐搖尾以乞憐欲磨牙而恐螫狐疑猶豫方謀三窟
以庇身羊狼貪不可一日而縱敵復將萬騎進逼

陰山俘其帳子餘以隨去其牙七里乃覺豐羅施賊
之孽子旋即生擒義成主賊之逆徒亦遂死復其餘
聚落蓋投戈請命矜甲迎降而頡利不為牽羊銜璧
之思尚作走雉窟蒿之計已令貌虎必取鯨鯢旄頭
失明既一清於氛投朔風不競方大布于陽和威烈
所加書契七有此蓋上穹助順列聖儲林成茲不世
之功允謂非常之慶坐明堂而上壽行持萬歲之觴
作彝器以銘功永紀一人之烈

唐京畿渭北廊坊商 兵馬副元帥復京師
露布

臣晟等言名位不同 君臣之素定神器有命豈智
力之可求故棠棣不任於棟梁而燕雀馬知於鴻鴟
苟闡奸于天位寔自速于邦利簡策所書古今共貫
共惟皇帝陛下聰明英武篤寔輝光化民以躬為政
以德優錄亮直賢哲萃於朝廷總攬權綱威令神於
藩屏樂歲享金穰之慶康時臻玉燭之和蠢爾逆臣
忘夫大德大旒導節五分重鎮之權四履疏封兩峻
真王之冊所以輕拘于名器啟其圖報於朝廷素鴟
象之悖逆相承而豺虎之貪殘難革罔竭倦々之節
居懷鞅々之心世濟厥凶其父已臣于安吏家傳不

軌乃昆復亂于盧龍偶涇人變起于京都致源休詭
稱于符命遂憑叛党輒起厲階禡紳笏而繫冕旒罔
已沐猴而冠逼乘輿而驚輦轂敢磨窳窳之牙盜環
之惡則所不可言裂冕之情而至于此極忍肆滔大
之罪輕為填海之謀每貫堪輿怒貽宗廟萬方情發
莫不疾首而痛心九服翬騰盡欲覆戊而食肉臣自
聞國難祇奉詔音即投袂以興師遂屈鞅而就道雖
闔門之遭繫何以家為念滅賊以報恩維其時矣
舍一息王事寧勞 兵威已振共抵滅宮之
掌敬然董卓之膺 以孤軍 此 雖能斷其首

尾彼之重兵方聚苑內要當披其心腹遂會奉夫行
營副元帥潭城鎮國軍節度使駱元光州節度使
尚可孤等商秘計于幄麾下晴一矢之
射月致萬乘之蒙塵使之乘時以建功動戎以誅
元凶而取蕃貴皆聞言而雪泣思賈勇以風飛即日
啓行尅期同集移軍于光泰門外築壘于米倉材前
壇臂旣張遺建芬而出戰狼心甚熾攻華壁之方堅
遂命吳詵整衆以當鋒復令李演督兵而收急蒙虎
皮而直犯被鵠膝以爭馳兩軍相鏖終日大獲輜輶
旗靡方蔽野以橫尸兵盡矢窮遂奔門而夜哭羣帥

宣威而氣倍衆師席勝以鼓行彼雖延命於須臾我
必乘機而撲殄遂使主帥將騎突而前進復令萬項
率步卒以偕行中夜以開苑牆光登而拔賊柵朱旗
絳日高鋒豈雲殺人之易若刈菅迎刃而勢如破竹
擒段誠於伏莽心膂既亡敗今言若摧枯取牙已挫
尚思拒轍未悟頃巢謂官城萬雉之可居以武庫五
兵之足恃欲為帝耳陣方布于蘄西其如予何兵已
臨于新室伏羸師而見擊收餘燼以復來百騎自馳
十戰皆北生靈旣已鼓舞乾坤於是清夷盡掃妖氛
徑趨中禁逆首漏網輕騎竄蒿防塹師奔但聽有聲

之馬陰陵路失漫嗟不逝之騅已馳追躡之兵行有
俘囚之日王家再造覩父老之來迎鐘虜不移幸寢
園之如故巨陪合鼎獲摠戎旃不令劇盜之訖平
致使屬車之再狩免冠伏地敢逃失職之辜負斧狗
朝請正辱君之罪限拘軍事未副愚誠謹先布于捷
書庶仰寬于聖慮

唐淮西行營宣慰處置使克蔡州露布

臣度等言雪霜雷電皇天申震耀之威斧鉞甲兵盛
世赫誅鋤之怒益集暴除亂有不得已者故陳師鞠
旅由是而立馬共惟

皇帝陛下齊聖廣淵聰明神武內有撥亂之志茲允
維平再獲受命之符紀綱大振九夷通道三務成功
強藩旋踵以就誅悍將華心而效順風行夏蜀清數
路之妖氛霆擊李盧深積年之腥德田洪正舉宗而
向闕張茂昭掃地以歸朝獨是蔡人素為戎首偶三
朝之貪貸致四紀之逋誅養莠莠以不薨養虎狼而
弗將未暇膏之鼎鑊尚冀少悛然其帶我金犀罔思
所報自視由羗不復知有朝廷包藏禍心謂一
隅之足恃參會凶德已託脅齒于平盧
倚腹心于董質办交宰輔奮臂以一呼

遂放兵而回劫反形已具戎用張世濟其凶固罪
盈而惡稔天降之咎蓋運疔而祚殛八紘俟其然臍
蒿矣為之切齒臣恭承宸命出勞戎行誓滅賊以還
朝乃奮身而督戰三軍既拊咸如挾纊之溫羣旅爭
先莫不投袂而起命文通道吉擣其腹背委重商公
武鯁其喉牙既謀主之老擒致堅城之繼陷尚衰餘
燼輒拒大邦賴先顧角迴曲之師而李愬席吳房之
勝乃出秘計潛蹈賊區率九千人自文城而疾馳行
六十里至張柴而少息即偃師而治吾鞞鎧復遣卒
以斬彼橋梁冒風雪以宵行出其不意擊鴟鷲而聲

乳冥然無知遂坎墉以先登得登閤而直入凶傳散
潰弃兵仗以星奔校虜震驚訝官軍之天降猛獸將
擒而尚憑空穴孤雛欲死而徒護危巢猶鞠眾以登
陣敢嬰鋒而接刃勢無繇而竄難計方出于葦平將
執而歸于京師使大者陳諸原野念脅從之用治不
戮一人喜災害之不生永清四海茲蓋陛下法天立
道與神為謀破萬口之雷同六師而電掃皆由宸
漸成此偉功臣濫預良圖戡大憝受俘而獻太廟
于以尉在天之靈庶幾示為臣之成

唐伊麗

總管會西突厥沙鉢羅可

汗露布

臣定方等言茲虜背我殊恩嘉壽稱觴嘗拜解衣之賜瑤池刻立戰之榮輒嘯通逃欲萌侵軼會聖主廣含容之德遣使人馳尉撫之辭地接葆耽文漫勞于諭蜀同盤報聲肯變于吠先取唾陸以建牙寇廷州而犯塞失二大師初道于金山一戰即梟于膏木降獨祿而先聲已振薄曳啞而銳氣方張意其瞻落以來歸尚敢尸居而作固哀十姓蜂屯之衆當萬人虎怒之威輒舒翼以旁張翼麾牙而寇蕞遂令步卒據高而列陣親率勁騎直非以布營妖

鋒三逼而皆殲神旅七擒而莫遏乘其踣藉肆厥剪除都搭大酋既椿喉而深鹵侯斤五弩旋沉首以投戈乃遺嗣業趨邪川以追奔獨與雅相提降兵而踵後賴風雪蔽天之助相雲授兼日而行既破竹以無前尚寢薪而不悟遂連彌射直抵金牙彼方獵野以偷生我乃麾軍而縱擊渠魁震警度伊麗以潛逃凶醜分犂卒達干而大潰方茲遠竄遽就係累臣已申畫疆圻修嚴亭障釋餘萌以示不殺之武取露皆以昭無外之仁鏤靈山而梁已窮于西海營溫禹而染尸遂敵倖行昭陵臣無任

唐京城東北西行

統復京師露布

臣克用等言逆賊黃巢者綠林氣白挺餓夫斬木揭竿嘯仙芝而首禍蒙涉河南以异兵蹈藉

我江淮度剗我閩越所過靡不殘滅具鋒莫敢誰何毒貫蒼旻凶焰幾周于諸夏亂纏紫極妖氛遂鞠于上京致銜輅之蒙塵舉衣冠而掃地惡逆之極古今所無雖身具五刑未足償生靈之憤况畿方千里豈久容凶孽之蟠道嵐州以行師營沙苑而布壘揮刃即戡于黃揆揚旌進逼于乾阮既合許蒲易定之兵奮其武怒敢率趙尚王林之衆逆我顏行俄大獲于

梁田即分屯于渭非師既勇而棄堅聞志賊屢挫而陰有遁謀因乘搗貳之時共竭分黎之策繼鏖零口復拔華城乃遣楊守宗提勁卒以前驅仍率白志遷董利兵而先進幸三戰俱殲其逆黨故諸軍事賈于英威震呼動天周過靈旗之銳彊仆蔽野尚餘琦獲之逃遂披光泰之門直造昇陽之殿游魂既遠怪終夜之有聲嘒類猶存恨餘風之未殄

唐天下兵馬元帥收復東京露布

臣适等言云、合蕃漢十餘萬之衆馳閱陝數百里而來分兵既拔于懷州整衆即臨于橫水王師嚴靜

既威殺凜若雷風凶徒震驚始憂懼形諸顏色尚作
護巢之計方憑堅壁之強遂遣僕固陳西原以扼其
前因命回紇拉南山以繚其左表裏由是夾擊殺傷
亦幾相當謂其束手來歸乃敢埋根而決戰賴朝
鬼攢矢以注射俄馬璘奪盾以先馳勢若枯摧正交
鋒而鏖戰視其輒亂遂來銳以鼓行方折截天克於
老子祠而積骸已平于尚書谷渠魁霧散淮壩之鶴
吸堪驚逆壘風清楚幕之烏聲甚樂

漢五屬國記

漢自白登之役匈奴憑其強狃其勝愴然有吞噬中

國心歷五世無歲不有秋師漢之為邦亦且弱矣孝
武奮然遣將追征旌旃之所為及滌地無類單于始
稜息不敢南望且怒昆邪王居西方不能禦王師欲
召誅之昆邪于是始有來降謀大將息得其使以聞
天子遣將軍去病將兵迎之以其衆四萬餘人度河
來歸既至長安以濞陰萬戶封其王而盡侯其裨正
呼毒尼等四人迺于張掖燉煌武威金城酒泉郡地
置五屬國分處其衆郡置一都尉治之復擇明習外
國事者一人為典屬國時元狩之二年也夫聖人所
以制夷狹視之若禽獸桀驁叛命不為之震怒而與

師六月之伐亦有不得而已者至慕義而頓顙則接之以禮羈縻不絕未嘗欲正朔加其國而禮樂政教被其人也其肯內而戚之耶昔伊川之俗被髮野祭辛有一見知其必為戎土況乎冠帶袒猿而雜君中華則吾民之不變于夷者亦寡矣武帝于是邪之降乃能因其故俗存其國號雖屬朝廷而處之塞外內使降胡忘亡而得其驩心外可以捍禦寇侮可謂策之善者也宜有文字紀其始末敢據前事而為之書

漢武功賞官記

漢受天命一海內四方次第平獨匈奴桀驁于北垂

五尺之童不輟得息而烽火候騎聞至于京師世宗即位乃大遣衛霍諸將軍出定襄雲中屬門高開數年之間遠浮西河絕大幕走樓煩沙漠以非震警而不敢惕息元朔六年天子以軍士之大克獲受爵賞而欲移賣者無所流馳乃置賞官名曰武功爵自遠士而上級十七萬九直三十餘萬金所以顯軍功而寵戰士誠良策也 用兵上矣自昔觀騃畫以制旅矢而阪鹿之戰已興于 時雖戴天履地皆具赤子莫不荷戈效死猶子弟之衛其父兄然而不有刑賞以為之勸沮亦曷使盡赴水火而無避哉夏有

甘扈之役商周以征伐天下而賞祖戮社始丁寧於誓命之間矣迨七雄爭強刃相屠而賞罰之科亦益密漢乘秦制斬首賜爵累一級以至於封侯而兵法後期若亡師者失道者逗撓不前者必誅無赦雖列侯將軍之尊法旋跬已下廷尉而刑為士伍贖為庶人其罰可謂嚴矣至于豐勲偉績烏可吝靳恩寵而常科之賞亦不足為之勸比世宗所以制武功之官而復俾軍士之流馳也是豈士卒奮厲窮討殊闕爭捐軀以死其敵至于排逆單于域滅區單封胥山以臨瀚海而漠南至無王度漢之威

省戶高簷巨棟軒豁洞達繩列棊分咸有叙次使非容至止若館其家休息燕賜怀礼銘恩歸語其君以含殮握漆永々無窮豈小補哉昔晉文公之為盟主宮室卑庫以崇大諸侯之館廡庫繕修司室平道圻人墀室甸帥設燎僕人廵宮車馬有所賓從有代所以復霸祚于春秋後嗣不德乃以隸人之垣而羸諸侯故鄭僑知其必衰蓋郵傳驛置皆先王為政之法而有國者所不可忽今六飛時巡暫留吳會固豈久于此乎蓋君子所居一日葺而堂々中國所以來遠修好誠不可少後驛之所興也行見皇輿

旋軫鳴蹕上都則仍
日矣臣不敏謹承命誨
謹記

訪崇寧之迹其亦有
事以俟制言鏡之石室

盤洲文集卷第二十六

盤洲文集卷第二十七

進卷一

觀文殿大學士醴泉觀使兼侍讀除保平軍
節度使開府儀同三司江南東路安撫大使

知建康府兼行宮留守制

門下奉瓊闕以均休久賴謀猷之助佩麟符而居守
有嚴節制之權睠中外之無殊宜寵光之特異廻峻
齋壇之拜仍叅宰軸之華協以剛辰孚于羣聽具官
某行高而德鉅材全而器周尊所聞而高明養其氣
以剛大負博極羣書之學而抗之以識縕度越諸子
卷二十七

之才而待之以謀蚤踐禁塗越登揆路盡瘁事國苟
公家之利無不為正色立朝以天下之重而自任備
嘗險阻蔚有名聲懇辭勩相之勞勉循燕間之請通
班書殿嘉素志之甚高進讀經筵顧^遠圖之未究惟
稼陵之沃壤乃今日之陪京襟帶江淮控扼吳楚飛
蟠虎踞列山川形勢之雄箕張翼舒摠即旅屯營之
衆付茲重寄得我宗臣邊節瑀戈開茅津之鉅鎮袞
衣繡黼視槐位之多儀用昭柱石之隆或昇藩維之
重於戲賜旂鸞而刻命載加柵邑之章守管籥而擅
名其企鄴侯之迹往凝報效奚埃訓詞

雄武軍節度使利州路安撫使兼知興元府
除檢校少保護國軍節度使加食邑寔封制

門下千國為連懋著侷藩之績九命作伯載陞帥聞
之雄視亞保以叅華肅元戎而增重肆加褒律庸諡
治朝具官某謀蘊沉深資函剛果自策名西委質惟
竭節以忘家扣楫誓江志欲清于邊稷授袍臨敵勇
常冠于戎行頃授鉞于秦川俾總戎于蜀道屢騰捷
奏風振軍容國士無雙隱若長城之扞戰功第一毅
然銳將之夙朝廷倚重以無虞戍狄畏威而遐遁宜
加徽數用答鴻勳夏彖介圭聯新班於左棘列戈鉞

秘易要地于中條加衍爰田陪宗真食于戲投西討
之遠略朕方百法于漢光奏北伐之層公汝其業追
于南仲無使六月之雅獨歌三代之時往究乃心以
若予訓

御史中丞除礼部尚書誥

勅中執法任耳目之寄所以彈糾士大夫使蹈忠信
廉直之域大宗伯掌邦國之禮所以辨上下定名分
而嚴堂陛之勢分職雖殊而尊君肅臣其揆一也以
再其官某踐履公正節操剛方久居憲臺中立不倚
繩擊茲邪罔不震警望寔之茂隱然在人今春官闕

長疇咨通服無以易汝昔李勉劾悍將而唐室知朝
廷之尊叔孫通制絲葛而漢祖知皇帝之貴朕之所
以命汝者盖將創儀立制以隆主威而勵臣節豈特
鐘鼓玉帛云乎哉往哉汝諧嗣有褒擢

給事中除翰林學士誥

勅禁閭時荷風重從臣之選奎坡視草尤艱內相之
求非直諫多聞不足以備咨詢非溫厚再雅不足以
當論議久虛茲位今得高才具官某智識通明器資
淵博考其師友漸游夏之切磋觀其文章麗卿雲之
黼黻登徇翔于通列已滄路于禁林比擢夕郎浸更

歲籥黃扉論事繼批敕之高風青瑣分猷罄沃心之
說議朕當因步紛紜而多故賴王言鼓動于羣情扶
杖老民思見漢文之德化流涕武士感奮奉天之制
書莫得若人以宣朕意余云汝可其代予言當使明
綸聳四海九州之聽庶幾與義追三盤五誥之文汝
其勉之以永終譽

戒守令勸農詔

勅朕以寡昧獲保宗廟遭時毛棘戎事未寧江澗荆
淮之間瘡痍猶未瘳也宿兵百萬調度資糧非農無
以給之重困吾民莫斯為甚而州縣之吏勸劬不力

末技游食背本趨末者尚衆惕然以思靡皇朝夕冀
得良吏以宣德意故嘗明詔大臣舉任縣令者親擢
郡守臨軒勞遣道民之詔無歲無之比年以來吏偷
弗虔慢視民事歲小不康則亡有飢色道瑾相望秦
其脂膏而莫之省愛豈朕之不德訓之有未至耶抑
吏狃故習不可遽革耶夫為人師帥而田野不闢桑
麻不殖戶口滋耗獄訟浸繁是師帥不賢而生德不
宣也朕將何所賴為繼自今其洗心滌慮恭爾有官
乳再有政毋以朕言為墻壁虛文則汝之職時亦有
無窮之間尚或弗念弗庸惟汝弗克祇厥辟惟予

汝辜朕言不再汝其聽之

仲夏賜諸路恤刑詔

勅朕猥以眇躬嗣有丕業永念愚民之衆輕予文法之中雖盡地為牢必使之無訟故吞舟之網寧失於不經情每軫於御隅志欲期于按堵盡除苛禁已破敵而斷珮尚恐有司或吹毛而次骨適臨中夏爰舉舊章惟矣日之如焚在園扉而良苦榜害火烈連繫株連或羅瘦死之悲殊損好生之德肆頒明詔申告庶邦惟庶虞之畫衣冠民無犯者成康之空因圖朕甚慕之爾其欵哉惟刑謹乃出令仰副哀矜之旨奉

行寬大之書夫五刑之屬三千非光王之得已而一歲之獄數萬稽前訓而可懲咨爾有僚咸體朕意

代宰臣以下謝進

徽宗皇帝實錄賜獎諭詔表

事錄先朝甫逮一篇之奏寵形溫詔蔚為三館之光拜賜兢慚無躬感幸中謝竊以

徽宗皇帝席榮華之旦乘富有之基發政施仁必先蠲寡制禮作樂用文治平隆儒術以大興省刑章而幾措規恢宏遠繇九閩以憂勤號令坦明乘百王之模範方佇蒼梧之返俄成谷口之游將欲鋪張日新

之雋功形容天縱之盛德必得蹇、諤、之士與遷
董而比良庶幾渾、灑、之書追夏商而泣駕中偶
兵戈之厄蕩然圖策之士採摭舊聞惟網羅之匪易
搜哀遺藉極煨燼以兼收爰命有司共成大典臣等
識垂五例用之三長 次王而王次春來達發端之
旨事繫日而繫日月祖彈紀定之勞茲方首帙之告成
遽沐十行而稱善榮冠翠綬之列恩踰華袞之褒自
揆庸虛曷圖稱塞茲蓋伏遇

皇帝陛下昭茲來孝道駿有聲誦堯之言冢切羹墻
之慕慕禹之緒歆先竹帛之傳俾汗簡以圖終乃出

綸而示勸臣等敢不佩服睿訓細尋帝謨絕華可期
敢自延于白首垂紳固報誓將盡于赤心

代嗣大理國王修貢表

錫壤南交獲嗣承于家緒拜章北闕敢虔奉于國珍
退慚不腆之儀仰讀蓋高之聽中謝伏念臣九際後
裔六詔支流踰嶺海以來寔體漢唐而不絕永平懷
遠姑開龍尾之疆 疏思爰錫馬頭之器會聖明
之在御學道德以兼容弗以遐遺許之內屬幸藩方
之世襲惟忠節以 習華風屢霑睿澤適際守
桃之始謹修任土之誠恭惟

皇帝陛下日月照臨乾坤覆燾布深仁而旁暨禮神
武以外揚風雨順時知中國之有聖夷靈効職聞盛
德以皆臣仰睇前旒之蔽明願副左衽而蒙化臣國
小而偏道阻且長雖陪九譯之重莫遂五原之款長
安在望誓堅葵霍之領措矢雖微少致蘋蘩之獻

晉征虜將軍征討大都督破將堅露布

尚書兵部臣石等言臣聞師克在和故宣威而剛敵
戎輕不整雖用衆以美為徒誇詠野之強自取昆陽
之敗以寡致勝在昔罕聞恭惟

皇帝陛下續渡江一馬之宏基宅御天六龍之寶位

登庸質德總攬威權乾符坤珍寢底金行之盛星珠
月璧已臻玉燭之詞蠢彼氐酋汙吾帝闕嘯良家之
惡少惑白虜之甘言徂伐涼燕蜀之能掃已漢幽并
之聚獨決氣華之斷用虞祀歲之殃固敗是求不亡
何待臣謹與冠軍將軍元輔國將軍瑛等祇承聖略
躬履戎行暴衣露冠思拘國家之急鍬甲摩劍誓清
凶孽之塵三令而軍法已明一鼓而人心共奮謂其
束身而自遁尚思撐臂以相持方虜踞于項城即鋒
屯于洛澗遂遣以精卒前邁既截梁成而逆雋

始驚士卒莫不爭先水陸由是繼進君臣落膽皆疑

草木于公山將帥傷殘盡過
于泚永因設謀而
遣使俾移陣以濟師大誘其衷虜墮吾計俄主帥夷
傷而大斂故部落殲盡而無遺鶴唳風聲訝王師之
已至草行露宿瞻屯堡之相望雖已收尸而築京尚
阻漆頭而為器臣等謬膺閫寄偶殄寇鋒屬強底百
六之秋遽為戎首致
八千之衆有此武功折衝
實本于朝謀助順亦際于陰相奉觴漢殿願歌明主
之沐柱旆天山行露神州之境臣等無任慶快激切
屏營之至謹差某官奉露布以聞

唐聞內兵馬副凡帥復京師露布

尚書兵部臣子儀等言臣聞戎醜憑陵敢長驅而犯
順天威震擢眾不陣以成功蓋帝王羽衛之所臨豈
夷獠羶裘之可據未皇接刃皆已曳兵宗社再安幅
負共快恭惟

皇帝陛下聰明寬存徽柔懿恭拔賢哲以當朝振紀
綱而御宇治兵討賊隆勲業于西京維休承祧奉蒸
嘗于九廟蠢茲羗種碓于西陸人有獸心初不知于
信誓首垂揪尾惟獨喜于戰爭蓋由中朝方幸于內
寧故釋速方以為之外懼下臣下叛屢殘馘于華人
弗慮弗圖久逋逃于天討荐興兵革盡取河隍初議

聚于神州即臨張于帝闕倚涇州之叛將敗肆姦謀
迫邠邠之皇孫致奸大位上天既已震怒率土皆欲
分犁臣投閔方事于枕戈間難即思于齒劍人惟求
舊既復建于鼓旗國爾志家即廣哀于單騎緣兵權
之既解集郡曲以惟艱孤鋒方植于咸陽凶熾已臨
于渭水得張知節合軍而少振屯上洛却簡兵以大
蒐而星宇紫垣曉回赤縣候回望之陔雖知蕞尾之
無能留七盤之軍政恐朦瞶之尚押遂遣長孫緒出
藍田而觀勢仍令第五琦攝京兆以偕行擊鼓謹山
若雷霆之方震張旗紹虜雖草木以皆驚賴仲卿渡

澹水以揚先聲而王甫諫苑中以為內應首豪落膽
惠大軍之已耒種聚奉頭盡中宵而潛情臣既出師
以追醜類即入城而撫遺氓惟府庫蕭然一空獨宮
闈儼如其故室家相慶牛溲爭持幸皇祚之既寧喜
官儀之復見漉糶逮遂長秋行覩于椿戈雉免浼逃
尸逐少穡于稽茲蓋高穹之所眷佑列望之所憑
休成茲卻敵之勲不俟交兵之力刻忠而著金石慚
無汗馬之勞清道以迎乘輿實功回鑿之望臣無任
度快激切屏營之至謹差其官奉

唐戶部侍郎平原太守河北招討採訪使移

清河諸郡討安祿山檄

天寶十五載二月某日戶部侍郎平原郡太守河北
招討採訪使真卿移清河博平諸郡太守益聞食土
之毛既已莫非臣子膺人之爵胡寧坐視寇讎敢布
心腹之辭共竭股肱之力我國家受天明命卜世過
于商周享國百年致治追于文景高祖肇基大業太
宗翦薙羣兇我皇帝厚德格于上天深仁被于綿宇
而賊臣安祿山者大餘唯螻蟻俄倖荷三道之重
權積十齡之異志忘推食解衣之德奮裂冠毀冕之
謀鳴鏑揚塵踪非土萬里之地長戈指闕字太微五

帝之庭僭假采輿污穢宮禁繫南山之竹書罪無窮
洪東海之波滌瑕不足神人共怒天地靡容莫卯世
受皇恩身膺郡寄誓捐軀而効死不與賊以俱生增
俾浚隍為日已久兎乘補卒固敵是求勵平原之兵
已多多而益辦仰清河之粟更陳陳而相囚英雄皆
役石之才驍銳有成林之衆以此制敵何敵不摧以
此攻城何城不克公等王侯華胄師帥重權方當此
搖蜂毒以長驅豈不動聞雞鳴而起舞亘各陳其帥
旅以共濟于國家或搃其吭或斷其臂或趨汲勤以
漬其胃腹或屯河洛以歛其喉牙帥茲西向之鋒制

其北走之路同建非常之業或隆再造之勲義士忠
臣各協乃力皇天后土寔鑒此行毋懷
失投机之會文書千里

唐中書侍郎同中書門下平章事兼河南節
度採訪處置使都統淮南諸軍事某告浙東
制西淮南青州濠州救睢陽微

至德二載八月某日中書侍郎同中書門下平章事
兼河南節度採訪處置使都統淮南諸軍事告浙東
節度使李君所西節度使司空君淮南節度使高君
青州節度使節君濠州刺史閻立君失矣凶靖難事

寔在于人臣救患分灾職莫先于候伯方孤壘外當
于劇盜宜遠藩各奉于助兵是與糾合之言式濟艱
難之患惟國家升平之既久故于戈朽鈍而弗支獨
奴攘臂以長驅甲士奉頭而皆非狄鳴帝里鳴峙神
州皇圖如累卵之危大駕有蒙塵之役獨張金吾拔
雍丘之衆同許中丞守睢陽之城志在本朝誓粉身
而糜骨氣吞逆賊常嚼齒以穿齧而尹子琦將同羅
之逆傳合揚朝宗收寧陵之餘燼交戰未嘗虛日合
圍迨且經年獨沮妖鋒遂燧潰于梁宋能嬰危堞獲
逸蔽于江淮雖奮羸起病以相持素鞠頑哀凶而孔

熾授師既絕無批郤蟻子之少添軍食已窮至雀鼠
馬羣之皆罄惟是孤危之極在乎頃刻之間儻豎壁
之不能遂橫行而莫遏繫此一邦之勝敗寔為諸道
之安危盾既七則齒必寒皮不存則毛安傳當軫恤
鄰之念咸堅報國之忠幕府無樽俎之奇謀玷機衡
之重任寵分駢節建大將之鼓旗遠奉虎符發精兵
于郡國公等十連分間千騎長人或專淮浙之權或
佩青濠之寄想枕戈之久矣聞傳檄而欣然要當奮
同心舉功名之思毋或懷全軀保妻子之計正同虞
穉猶輔車之相依每若越秦視肥瘠而不恤盡哀卒

旅道援孤城奮忠義之心撲腥之焰咸會項城分
標進發或屯濠右五道攻圍檄至刻臨毋緩須臾

漢安南嗣極銘

漢伏波將軍授受中興光武皇帝命將騎卒百萬寔
十萬出珠崖臨交趾會南粵諸夷王首長棹船萬艘
旌旗蔽空直搗安南而國王唧瑩輿櫬迎降而海濱
島夷南羗諸甸之酋靡不納款稱貫漢之威靈亦烈
矣哉于是將軍紀漢功德立銅柱于其國銘功題柱
而還至唐有天下太宗削平割據四譯職貢元和以
來強藩悉皆教順海內乂安元和九年天子命馬侯

某來鎮海南以文武威風民懷其德羗畏其威海邦
之民如仰父母馬侯迺思其祖功爰採銅于山鑄為
二柱以植于南交依東漢故趾轟然中止鐫鐫文章
上述祖功迺揚已烈雕題黑齒之人無不驚心蕩魄
夫揚威海甸垂光永久是宜有詞爰為之銘曰

東漢伏波

威揚南粵

題柱海南

銘功絕域

唐有天下

海歷十紀

四海乂安

八方寧謐

島夷賓貢

朝及重譯

海不揚波

烽烟偃息

朝野清夷

雨無愆陰

賜無亢日

熙然斯民	右粥左餐	十有二葉
元和皇帝	強藩効順	八紘同軌
廟朝得賢	稷尚臯夔	乃眷南服
馬侯來尸	堂、馬侯	兼資文武

廉清不撓

撫柔此土

儒雅綠飾

用夏變夷

善政美化

羣僚安之

爰采堅銅

鑄為二柱

植之南交

東漢故處

鐫刻文章

炳若星日

以著皇威

以揚帝德

雕題仰觀

蕩駭心目

懷德畏威

無思不服

昔漢伏波 紀功南嶠 寥已千載
孫謀克肖 燥濕不渝 與天永久
是宜有辭 垂諸不朽

盤洲文集卷第二十七

盤洲文集卷第二十八

進卷二

漢雲臺功臣記

漢世祖皇帝荷天人之符龍飛白水誅翦姦雄不數
年而得天下雖高祖文景之遺德餘烈在人未遠而
帝之廟謨雄衡足以耳造王家然鋤類夷荒非得爪
牙股肱之助亦誰與共成豐功也哉究觀斯時有若
鄧禹寇恂吳漢耿弇之徒凡二十有八人皆感會風
雲奮其智勇以成中興之業偉績鴻勳光被簡冊至
顯宗紹述追念先烈乃以永平十三年圖其象於南

宮之雲臺又以王常李通竇融卓茂繼之惟馬援以
椒房懿戚抑而不與以此知其選矣夫昔者明王之
所以御其臣也欲其蹈危履巇竭節赴功必有勸之
道而不在乎高爵厚祿蓋爵祿所及第能榮其身溫
其家而不足以激勸後人故刻名鍾鼎紀績旂常書
之司勳歲在盟府所以褒勲顯德莫不備至而使來
者悅夫百功見知歆艷企慕思奮功名之會慶賞不
加而人自知勸雲臺之舉不惟崇德報功使其聲名
暴白於億萬世以示先朝得人之盛而彰夫佐命興
王皆間世偉人蓋將使忠臣義士瞻其容貌而想其

風采景仰榮耀願踵後塵所以激英風而動義槩真
得光土之要道矣臺在蘭臺阿閣之間西漢之所築
云

唐籌邊樓記

唐以兵革定天下而四夷莫不臣妾中葉捨攘吐蕃
南詔侵犯疆場自韋臯帥蜀始生厲階至杜元穎時
長驅深入蹂躪千里繼以郭釗病弗事事南失姚協
西亡維松由清溪下洙水而左鞠為盜區斯民惕息
日有在社推結之虞太和四平贊皇公自兵部侍郎
鄭滑節度使來鎮茲土坐席未煖慨然懷憂國制敵

之心思俾一方之人咸仰父侑子而遂有生之樂迺
卜勝塏鳩工建樓而以籌邊揭之凡南道山川險要
與南詔相入者圖之左西道與吐蕃接者圖之右部
落之衆寡饋餉之遠邇纖悉曲折皆在目中登臨籌
度朝夕於是嘻贊皇之設心如此哉夫天下之事成
於思而敗於不能思善料敵者方無事時坐於帷幄
優游夷愉從容談笑迺能長慮却顧無頃刻食息不
凝思於胷次敵之強弱說詐率皆判然先知一旦機
會適來則臨事應變若印券契鑰皆出素料彼雖變
偽百出恃吾有以應之未嘗一墮其計苟惟當其閑

暇樂宴安而忽遠圖忘敵人之可懼恬然未始軫慮
及機至變生則倉猝凌遽無所措其手足其為成敗
利害豈不較然明甚若贊皇公可謂知此矣茲樓既
成仍台老於軍旅習於邊事者與之指畫商訂雖走
卒蠻隸遇之亡間訪以山川城邑道路險易廣狹遠
近未踰月間皆若身涉虜之情偽盡皆知之故能玩
敵股掌之上使腥羶餘噍拑舌頓喙不能一踰其毒
卒之二邊震懼南詔還俘吐蕃歸疆嗚呼使聞寄者
皆如贊皇之設心則甲央之問焉得至於廟堂間哉

臣切惟皇大厭五季之亂乃命

太祖皇帝拯生靈塗炭而

太宗皇帝以天錫神武佐右聖兄鋤暴芟荒一駕而

平潞再矢而克揚三楫而紉荆潭四指而得川蜀五

征而勘定江南既踐帝位南致閩粵數十州之地非

倖并汾二十九年之寇薄海內外志臣悉妄萬機之

暇獨以翰墨文章自娛雖揮矢弋弓而居安之備亦

不少弛雍熙四年台北面諸將曰重進潘美崔翰及

殿前劉延翰對於便殿訪以禦戎備邊之策因取六

韜兵法將有五才十過之說筆以賜之使之昭然識

為將之術知勇智仁信忠之可以法而輕死好利怯
懦急緩之可以戒朝誦夕惟起居造次必思而踐行
之其所以訓教臣下之道可誦善矣臣以儒名家幸
以文字待罪于朝其敢自以蕪陋為辭謹拜于稽首
而贊之曰

皇矣藝祖 混一四方 於錄太宗

翊贊龍驤 五季鼎沸 虎踞蛟憑

旦粟我馬 夕犁其庭 根莠既薊

薄海臣妾 懔遐荒 水慄陸警

居安慮危 罔死厥備 積東虎士

防邊宿衛

皇帝曰咨

咨爾重進

爾翰爾美

實司外間

咨爾延翰

實長六軍

訪之邊策

恃懼莫陳

帝謂六韜

聖賢所作

十過五才

為將要略

爰御翰墨

寵加錫賚

諸將稽首

崇此恩需

聖人取臣

誨之有道

良將戴君

強勉允蹈

欲教孫吳

有斯誥

賜之漢紀

復非親御

惟是奎畫

超踰古昔

小臣贊揚

以訖千億

漢麒麟閣名臣圖贊

漢中宗皇帝承孝治之緒中興帝室左右前後莫非

忠良之臣委質奮庸共凝雋功當是時大則樞机周

密品式備具小則技巧工匠各精其能內則朝廷清

明民俗阜安外則疆蜀首蒙屈膝殿陛甘露三年上

思股肱之美乃選其臣有功德而知名當世者十有

一人題其官爵法其形貌於未央宮之麟麟閣于以

傳之無窮施之罔極使瞻仰之者勵忠孝之節而激

功名之心甚盛舉也且有宿學鉅儒贊揚厥美而史

氏無傳謹追書之曰

炎正七葉

天啓英主

受命中興

畢張治具

虎嘯風烈

龍興雲騰

鞏固洪業

實惟股肱

宗臣霍侯

元勳鮮傳

定萬世策

比迹伊周

富平溫良

宿衛有名

番番龍維

功埒灌嬰

營平善謀

遂克先零

高平提衡

聲聞赫然

博陽同心

衆職修理

建平寬裕

明法練事

陽成謹厚

表儀宗室

少府醞藉

進錄儒術

太傅堂堂

社稷之傑

屬國精忠

膚使猶劣

倚輿異人

輩出昌代

峩峩華閣

以次圖繪

黃霸于張

仰企後塵

山甫方召

竝揚清芬

義士瞻想

奮發威厲

姦臣顧弱

膽落心悸

聖主賢臣

千載一時

泚筆作贊

表而出之

漢赤伏符頌

漢高皇帝以赤帝之子提干將新地澤中寔啓受命之符推之五行協于火德歷二百十有四年而賊臣扛鼎天未厭漢乃命世祖再造王室更始三年諸將

請登尊位而帝固避弗從先是天鳳中帝嘗至長安
受尚書於廬江許子威至是而同舍生潁川強華奉
赤伏符以獻諸將以為符命昭然萬里合應不可久
曠遂以其年之六月踐阼高邑改元建武超拜王梁
為大司空用誠文也漢業復興卜年三百而赤伏誠
中興之符宜有歌頌刻之金石以傳不朽而史闕焉
謹追書之曰

漢受天命

承克之運

斷蛇著符

龍飛沛郡

赤幟禽獸

朱旗舉秦

協于火德

為天下君

祚厄中葉

鼎移賊臣

皇乾眷佑

復開真人

誕生濟陽

赤光照室

嘉木得名

龜兆告吉

吉夢維何

乘龍上天

王迹維何

火光赫然

佳氣鬱葱

伯阿所望

哀是靈貺

皆災德祥

披翦荆棘

整齊乾坤

虜將拜手

請登至尊

有臣曰華

本符來諭

惟我真主

名應圖讖

四七之際

火竇主之

系陰我漢

非君而誰

爰即高邑

踐阼建元

王室再造

如障狂瀾 氣蕩八紘 烽銷四鄙
黔首更生 仰父俯子 倚燬赤伏
寶啓中興 收紹吉甫 作為頌聲

唐神功破陣樂頌

唐受天命一海內四方次第平武德二年劉武周用
宋金剛之謀連鋒突厥拔介州殺石州刺史敗裴寂
入太原滯搖閩中尚祖太宗禦之栢壁氏戈所指莫
不摧折明年遂平河東武周奔于虜爰即軍中作破
陣樂以志武功之盛及魏正褚亮革更製狀辭曰七
德舞後更名曰神功破陣樂凡歲旦冬至大朝會則

與九功舞同奏於殿唐以兵定天下而茲實武樂傳
之子孫以承王業所由而頌聲闕焉敢為之辭曰

古帝命唐 正域四方 掃舊布新

長彗流光 亂結隋抄 姦雄紛擾

如虎憑山 如蛇纏道 赫也太宗

聖武神功 干將莫邪 疇克嬰鋒

薛犂其荒 鄭隕其強 夏氏纍俘

魏人納降 遇矣武周 藉助凶儔

怒其萌芽 太陽是仇 乃鞠王師

驅熊率羆 天戈一指 顛跼流離

爰製樂章

蹈厲發揚

以志武德

子孫無忘

辭摘魏褚

七德命舞

表褐驚咷

民觀如堵

龍墀大朝

星拱郡僚

樂奏其間

上下和調

聞諸古昨

功成作樂

韶夏英莖

於昭景鏖

唐室之興

定亂以兵

茲樂之成

王業惟明

被之管弦

其辭井傳

作此頌焉

於千萬年

兩朝寶訓序

臣嘗讀書見三代之時廟堂之間君臣相與戒教訓

告罔不以遵祖訓監先憲為言考諸行事蓋實未嘗

弗率前王之典則禹啓少康之法夏之子孫實守之

成湯三宗文武成康之法商周子孫實守之故其享

國或四百年或六百年或八百年磨有天下傳世二

千文宗宣宗皆嘗讀太宗政要而慕之故大和之政

号為清明而大中有正觀之風是無他政為能遵其

祖之法而已恭惟

仁宗皇帝天縱聖德勵精為政登用真儒屏殛姦邪

納鯁直幼農桑賞信罰明宮室池臺無所興作所御

惟帝衾裯多以繒純為之左衽辮髮錄鎬之君梯山

棧谷屈膝陛庭頌闕下韜箴介冑菽粟豐穰行旅
徹糧叶氣嘉休為太平四十二年之治季仲三代
視漢之文景唐之正觀開元皆不足稱繼
英宗皇帝遵業治道浸以光大俗易風移黎民醇厚
聖謨洋洋煥焉可述名山所載太史所掌山林汗青
之所編緝灑々噩々抗衡典謨

神宗皇帝踐阼十五年詔儒臣林希孫實錄日曆
昨政紀起居注諸書自乾興盡治平法天聖故事裒
粹事跡以類撰次越明年四月書成來上凡七十有
六門成二十卷名之曰兩朝實訓所載巖廊之上切

唐治道商榷墳素之精語謹威福之善制畏天事
神之道勤政愛民之方恭儉仁孝之德規摹制度之
略辨察正邪篤叙姻族與大勸農興財治兵禦戎之
術炳若日星事簡而明有條不紊施之朝廷則可以
正紀綱厚風俗施之閭門則可以明人倫興孝弟施
之夷則可使懷仁慕義稽首稱藩信一代之宏規
萬世之通典也臣竊惟五閏之際干戈日尋鑪視四
海痛以虐焰黎民灼爛呼號籲辜我皇宋拱楫指麾
為壺漿百姓請命于天丕降霖雨滌蕩滌清人用休
息皇乾眷命篤于神孫規重矩疊開闢以來書傳所

紀未之有也。制度紀綱之法，後世有以憑藉扶持，實訓之作，足以垂之不朽，與天地並。臣才學淺昧，不足以仰叙聖懷之萬一。謹戰汗再拜而書之。卷端臣謹序。

漢四種兵書序

古者聖人之治天下也，因天討而制五刑，甲兵弧矢，所以誅暴而禁亂。爰有熊氏修德，振兵阪泉，涿鹿之戰，破炎帝，禽蚩尤，而兵法遂興。自周之東，五侯九伯，日尋干戈，陵夷至於戰國，出奇設伏，變詐權譎之兵，竝作。漢高祖皇帝以英武雄才，翦羣雄而得天下，乃

皆任韓信之將，兵良平之籌畫。其時彭越、黥布之徒，皆逞其智力，起倉卒，非由於兵法之善者也。天下既平，英雄薙醜，始思儒術之無害。故於賈山則美其至言於叔孫通，則美其綿蕞挾書之禁。漸池兵家者流，始得輯其所授，以顯然述其書集。孫子、吳起、穰苴、遼三畧六韜之秘，裒為四種兵書。故其後名將迭出家，善兵俱能師，其意不泥其迹，要皆無悖於司馬法之旨，而實四種兵書之為鼻祖也。嗚呼！兵不可無法，不可廢學。趙括之徒，讀父書卒，召長平之敗；龐涓之淺嘗，鬼谷必致馬陵之禍。可不鑒哉！故兵書之要必

本於誅暴禁亂修德振兵之旨而復有得心應手神明更化於矩矱之中此四種之書可與周禮司馬法並傳也夫

周成王蒐岐陽頌

周公既返政成王始親萬幾於時字內雍熙朝廷間暇適當春田之際草木繁茂禽獸殖繁王乃命大司馬整六師馭六飛發鎬京幸岐陽稅止岐下駐蹕南山蒐禽獸之不孚字殲焉擒焉所獲之多上殺者半於中下而生獲則有獸焉白虎黑皮生物不食生虫不踐履然不經于耳目召公奭拜首稽首於王前曰

都俞此王之仁風遠被騶虞應瑞而生也羣臣皆呼萬歲而獻頌曰

茁彼蒼葭

青陽所育

麋鹿攸馴

成羣不觸

王在中田

張羅挾矢

網解三面

箭發雙至

載蒐載擒

弋其不孕

王恩所布

澤及飛走

王仁所感

騶虞忽有

於戲仁慈

繇基裕後

垂曆之多

百年永久

唐勤政務本樓記

國之有臺所以望氛祲察災祥文王靈臺之所以經

始也國之有樓所以勤萬機理庶政法聖王之用心則樓之所建當與西周比烈也豈徒侈遊觀誇美麗實妖姬艷女者等哉聖唐御宇以來臣服海內四譯賓貢頗稱遠邁前烈矣開元元年皇帝慨然有懷于昔王之所以隆替子孫之所以興廢畢然高望而遠志曰國之興由于政之勤業之久基于本之務倚與休哉詔于紫宸殿之左建勤政務本之樓以綜理庶猷咨詢朝務孜孜以艱難兢剔恭儉仁孝為事以示後人敦本之圖嗚呼斯豈非開國承家之意與其宜時朝野清美四海乂安幾成庶過文漢也過其處者

科舉人之言美盧絢按轡之有體至穆宗遵業復能於此訪民間疾苦凡其子孫登臨瞻仰咸思命名之旨知皇祖之用心無敢逸游以隳前烈其於保國理民之道有加而無怠所以永皇圖福元豈不甚厚耶樓成於開元二年之九月至憲宗十有四年詔左右軍容以官卒二千修之文宗三年又復增飾其服勤祖武可謂無媿至於榱椽梁柱之制蓋瓦級甃之數工役之繁費俱無益於政故略而弗著云謹記

盤洲文集卷第二十九

賦二

偈一

銀條魚賦

茲銀條之小魚寔羣遊於深水闔雙目之如漆體潔
白其無比絕肺腸與鱗腮信清瑩之堪美盈一掬之
十百惟銖兩而已矣季鷹乘秋波之月明浮扁舟
以半醉簇銀絲於金盤曾不聞於用爾子陵當春瀨
之濤澄垂長竿以香餌偉巨鬣以登來爾不聞於一
至既不足以上嚴公之釣又不足以遙張子之味唯

醯醢之是宜乃溉鬻之所弃我聞北溟之鷗其身大
乎千里又聞東海之鯨吞長舟於寸晷彼何為而若
斯爾何為而至是信天賦之差殊知人才之亦爾

惡蠅賦

伊蟲族之至微獨飛蠅之厭惡聚類至之惡聲扇朋
來之弱羽方炎晝以鏢金掩火輪而停馭汗浹體其
漿流邈清風之遐舉就枕簟之清涼庶幾逃于烈日
汝於此時乃縱黨類或撲面以緣髯或尋肱而集股
肩屢拂以復來睫欲交而急寤徒困頓以神疲寧周
公之可遇此庫狄伏連所以杖扣閣人使無得暫入

於庭戶者也又若疥癩始生瘡痍厄苦纔流潰以未
乾正痛癢之小愈汝於此時羣來莫禦俱逐臭以尋
腥爭穿裳而入袴吮膏血以自肥叢肌膚而交噬使
手倦於驅除終無由而得去此三思所以拔三尺之
利鋒髮衝冠而震怒者也彼令節與佳期正鼎來於
親故窮水陸之珍竒列果希與修脯染指方膏張頤
未哺汝於此時往來旁午或沉溺於壺觴或循環於
匕箸致嘉客之惡嫌委辛盤而不顧或失色以輟食
豈玉山之可仆此所以舉扇而力揮訝其來
之何遽者也至於器皿盛漿餅罌作酒倘防守之不

嚴或蓋藏之少露汝於此時引朋台侶悉投隙以尋
香竊羶芬而為蠹纔旋踵以踰時已孽生之無教既
醜類之滿盈致所藏之臭腐此歐陽公所以切齒而
疾憎遂援毫而成賦者也以生變亂異白恣為點汙
無異讒人蒙惑明主毀正譽邪肆其疾妬排根燕公
鎬紙裴度拔仙客於河湟寘延齡於省部有如漢室
之恭顯有如唐朝之林甫此戎子駒支所以辨晉國
之責辭賦周詩而借諭者也悲矣夫汝驅雖小汝害
實巨汝量易足汝多難拒胡為營：欲何之以取嫉
貽憎於率普我聞周公翊贊文武驅猛獸入深山躋

烝黎於安堵設官屬以成書垂後王之儀矩射鳥張
庭氏之弓除蟲擊壺涿之鼓或掌覆天或職熏蠹雖
蛙鼃之聒人亦洒灰而不怨何於汝而獨遺豈眇末
而不數字分職之有虧抑偏傳之脫誤我思古人必
不汝弃嗚呼若鳳鳥之儀庭與麒麟之郊舞常曠古
以不來亘千齡而莫睹惟汝物之可憎乃羣飛而類
聚信端士之間生嗟士人之塞路惟屈指於秋來鼓
西風於裏宇縱汝類之夥多終飄零於何處

書架

朝而出宿窠櫛退于室簿書桎不有緗帙孰起裝懷

之疾

書板銘

孰圓非規孰方非矩木從繩匠可斧羗先生今會稽
楮嬪然來今累三五孰能使之其行而鴻布有典
則今我作古君子檢身今視茲度

王君所居三銘

愚軒

山鳥可移我志不輟佛鳥可為我禪不滅用智靈心
巧不如拙

癡室

自癡莫知人癡孰治平聲名室以癡其癡則非

文庵

癡者見之之謂癡愚者見之之謂愚不癡不愚入文
庵而越越

龍興寺鐘銘

大雲龍興古招提鐘豐弗考歲屢移雲門九世守日
師縱臾擅越歡喜隨鳧氏範金侈弁宜六時警發聲
法植大地震動人天知劍輪息苦刀山隳功德無邊
不思議紹興作癸配支青牛御辰帝乘離顯允方

叔護法時

徐彥立琴銘

嗑息者鹿：踵息者神之谷有人焉妙于吐納而記
諸可弦之木籟遠則韻林流長則源深幽：而惜：
是之謂不窮之音

李宜仲見見堂銘

見乎小而不見乎大見乎外而不見乎內彼以為明
我以為晦孰并此堂不求甚解

潛玉亭銘

知石山在荆門之右百步泉聲其麓南北異派相傳
其南出玉其北出珠故李衛公詩云明璣難秘彩美

玉詎潛珍介泉有茅亭風侵日漏胡牀不可設因為
更張題以新榜荆山蓋結綠所產卞氏抱玉巖又在
亶內則山之有玉較然著明矣崇寧年巨蚌夜遊於
北泉光彩四燭獨南泉能潛珍不露也銘曰

玩西麓之甘泉匯津津之寒碧紛觸石以噴珠非纖
微之點滴湛然清而莫滓無龜魚與蝦蛭閔朝昏之
罌缶神龍蟠而典澤行百里以成川畝一鍾而宜稷
萃青嶂於中天以英瑤為山骨寧瞭然以求活不願
為夫環玦意抱璞而深潛懼猷者之遭刖彼卞子其
大愚不如蔡之有智苟博識之背馳曷不懷寶而逝

三自粥以見珍抑莫償其滅趾信哉茲山之靈請埋
光而鍾采長借潤於泉源惠我民於億載

寫真自贊

智不智愚不愚自見其矐而或以為腴外之矐人可
以模中之腴果何如
而不大則非

吾徒

龍興寺日師為方廣州寫真求為之贊

魁然其容充然其中不形喜愠惟桐廬方公青油客
散牘去其按坐維摩床念珠一串以善鑄凶昔盜今
農雖使千佛出世所以化人則同

報庵十六尊者偈

紹興丙子閏十月癸亥孤洪某等為先公尚書作十
六尊者相稽首說偈

我等痛貫心歸命諸尊者願以大利益作我罔極報

弃猫文

洪子適武林館黃氏逆旅屏燭未頃羣鼠縱橫厥聲
萬狀及旦乃止主人有猫而不能捕因為文以弃之
天賦羣物兮介毛鱗翼人所字養兮資其有益若馬
可以地驅若牛可以墾殖犬有弭盜之功雞有鳴晨
之德鵠之傳書鷹之摯擊凡若此者故所以居人居

而食人食彼鳧毘無所施其勞是以供人之烹炙惟
茲猫焉捕鼠為職熟則肆乎清涼寒或登於寢席魚
肉膏粱飲充其臆訝茲逆旅曷其多鼠乘夜伺昏羣
遊類聚方切切以穿墉俄累累而循戶騰踐相禡反
覆器其或齧我衣或食我黍鬪呼縱橫黨與余
欲投而忌器余欲射而弩撫几之不能畏揮杖之
不能去上聲將謂主人有永某氏之風故使惡物得以
集其羣侶因熟寢以終宵恣微蟲之旁午旦召主人
歷諏其故主人告余有猫四五飼養弥年孱不能捕
余謂主人來吾語汝汝豈不見夫國家之設官乎寵

以高位畀以厚祿相圖治於朝端將折衝於邊服外
臺澄案於列城守令撫柔於萌俗負辭薄者躋翰墨
之選屬威榮者列彈劾之屬善心計則司貨財寇柱
後則尸刑獄凡厥庶僚各庀其局一有曠廢旋跲屏
逐人尚如然况于微畜胡為汝猫乃蒙舍育彼既不
能咋啖而使之跡絕又不能遊堂而使之安穴猶乞
食以求餐敢張頤而伸舌非罷懦之弗堪殆尸素而
饕餐今汝柵無完衣室無全器以穿屋為常以盜狗
為易致陰類之公行宜汝猫之獲戾曷不投遠地而
迎善捕者代之則將殺鼠如丘而庶幾安枕卧矣主

人曰唯

竹奴文

洪子以畏日虐畫几案如燼乃下竹榻寘庭之隅設
蘄簟與筠枕將追暑於須臾卧枕久以不寐汗如漿
而浹膚揮圓蓬以腕脫咀堅冰而口吐榻枕簟之三
子俄趨進以來俱同辭而言曰走之鼻祖宅于渭壚
有地千畝富埒侯租鈞月海後英主而赴風雲
之會龍躍葛陂者委功名富貴而高蹈天衢逮後來
之孫稚遠枝分而派居走家寒而族冷無紹介之吹
嚙頰以涼德而猥叨親近誓將盡節以邁夫臺輿今

君流汗四洽氣鬱不舒走等烏敢緘舉類之口而不
告君以良圖走族有竹氏夫人者性不熱中形狀魁
梧儻受君之親倚可來壘氣之虛徐君誠名而用之
彰鄙言之非諛洪子曰俞吾方思之已遣長鬚三子
方進而竹氏至于洪子曰來竹氏汝以斧斤成質遇
熱見須凭肱據肱縱意所如非有鵲巢之德采蘋之
職胡為而受夫人之呼人之稱汝既以重誣汝輒披
襟於汝安乎夫金烟有清明之鑿而䟽徹侯之爵毛
穎以翰墨之勤而申敬中書之科汝非有功有德可與
二君子為徒今黜汝之偕稱而謂汝以竹奴盍安名

而投分順主人之所驅無沮咋以觖望遂銜冤歸憾
於吾竹奴惶恐稽首而退曰抑何言與妾久惧駕下
而負乘將乞骸以財書辱開陳而是正庸迴陋以錫
愚雖不敏而自忻得斯名之不虛敢矢言以懷怨甘
受屏弃之寘而不諱

戒蛇文

丁巳漆月夜未一鼓冰輪湛然遡青雲而上洪子步
影戶外聞有物叢草間其聲漸逼少駐而視則蛇也
余驚悸流汗趨避它徑蛇知人之既遠乃奮怒軒屈
齧噬草木而去歸既因以志之天產凶醜形軀不具

蛇韜其足虎削其羽夫胡然哉抑亦有故僕虎能飛
使蛇善步其害於人烏可縷數惟爾毒蛇屈脅曲脊
邃澤重山種滋品聚哀毒伺人巧噬迅取荐食善良
甘飲曾府螫手斷肱傷足去服苟或不然全體糜腐
時及秋商其毒愈巨噬草咀柯涎流沫吐觸死莖
尚成疾痼門闔傾鄭臺遊鹽魯其見猶妖况或相遇
不幸與逢必就死所吾雖之罔思備豫月夕欣明
披襟曳履何期毒物潛窺覩包藏禍心乘我遵路
褰鼻伸舌欲肆其怒天誘其衷吾覺而悟厥毒不行
騰矯而去吾與汝蛇非有怨惡我不汝傷汝曷我妬

惟汝凶孽不可開諭豈蜂虿之能侔信豺狼之不如
人聞汝名毛髮森舉汝之害物誠出天付吾今芟吾
之庭謹吾之戶不處暗室不近積芥與汝殊途不見
恐怖我母爾虞爾母我懼汝毒雖多又奚所措大毛
鱗害人侯鱷侯虎或遭斥於韓公或受誅於周處烏
有鴆毒海南所賦雖銜毒以不 自膏於斤斧豈
造物之有私獨於蛇而容怒胡不聞叔敖殲汝而為
一國相高帝斬汝而為萬乘王知天道之疾惡欲世
人之去汝吾以空拳不能汝禦後有挾刃樵青執柯
老圃與汝相接謹無與忤彼眩一揮汝必僵仆汝能

戒之人孰汝願汝或不悛人必汝捕汝血濡襟汝身
為脯嗚呼哀哉毋忽斯語

勸農文二首

今天子受命中興視民如子欲使躋富庶之域郡守
勸農於春郊遵詔旨 惟我南海之民或以商販而
廢農或以盜掠而廢農其從事田疇者又苟且鹵莽
故耕耘不以時荒蕪不加闢繼自今其子嚴父詔弟
奉兄約各履身力田以受西成之獲使風移強悍賣
刀劍服畎畝則嶺表務本之俗與內郡齒不亦休哉
古語云一夫不耕或受之飢豈有提封千里而可以

滅裂穡事也嶺表之人厥性媮墮而南海務本者尤
衆故盈城負郭仰食旁郡烏可恃以為常耶每
歲仲春郡守奉行誥令出郡勸氓延接父老犒以酒
肉蓋欲丕變浮食興起農功以稱天子道民之意其
更相告語勤四體以盡地力易荒瘠為膏沃則千箱
之獲可以望也

記夢

丁酉七月二十四夜夢至一蕭寺羽人環坐其一高
吟云六十方買妾七十猶生兒旁人掩口笑老子知
不知予應聲答以一篇云桑榆景迫鬢毛蒼已過耆

年去路忙不把精神陪綺席從他歌舞競鮮粧掃除
萬事身如夢斷送一生心弗狂賴有清風與明月肯
來相伴一爐香茗飲清話須臾而散

盤洲文集卷第二十九

盤洲文集卷第三十

記九首

分繡閣記

浙河以東曾岡峭岑盤深複陸出會稽道天姥百有餘里財得夷曠之地十有五頃以為天台郡郡踐山作郭而餘麓及屹立巉巖廢不可廬者亦十一二故官寺民區鮮鉅鹿之所十數年中州始有以員外置者僑宇城之巽隅距黃堂七百步而羸其職業之商讞僚類之謁請吏抱文書袂屬翼陸蹊間舉不以為便乃從幕曹之舍為今所居與員相東西焉

然規恢下窄榮埃墨無復高明顯爽之觀獨東偏
有地斗大叢榛甃矧虺所潛前沿後偏指為弃壤
則薶制輦治培基建閣以夏四日課材閱月而斤斧
論功其高四尋衡十二丈有七尺南北不及者九之
一羣山縈環垂光獻狀閣以分繡名推去冗牘登臨
領略則巖姿之西峙煙霞石采之隱見景與意會舉
杯屬客則琴歌奕思恢乎有樂也閣之下對植美
竹以清閱目其堂後穿山池可容萍藻則又為舞漪
之亭或曰人在天淵間以百年為須臾况官游非常
席甫煖而趣代今子來旬歲矣又如是而去何以茲

閣為語之曰人能無以一生為寄則澡濯期與
前英聯橫能無以一官為不久則勉盡意必有以
美其政予年少質下若乘鴈雙鳧雖去來無於邦
人然吾身朝夕于斯抑欲自適其適耳

台州添差通判廳壁記

天台之為郡環山枕海壤僻民愚牒訴簡少輸調有
常平時從容見謂無事欲分曹授政絕贅冗者中興
以來彰纓之士率三四輩負外置者
無郡邑不有紹興年治中凡五易而某
至被命遲期者後復則茲負之設將踐武不廢

迺裒粹名氏官族去來龕石壁間而係之言曰昔昌黎韓公嘗謂邑叅貳令位偏而嫌文書視成一不敢省有公負復歸尤焉曾主簿尉之不若丞於即者亦然厥有不蹈其中萎 事事 民威休貪殘放手漫不孰何曰 守職也吾何干夫是之謂負官否則鈔表曝名推市威上下相高矛楯崖異吏不確其承民情不得直夫是之謂越位負其官不可越其位又不可然則奈何曰能使官不負位不越清其心以求其平視著令唯謹外是而議夫何知之有

耕獲齋記

毗陵王德強宅於賈山有年矣一日掃其室擁書數千卷自娛其中命之曰耕獲齋作書抵予為之記予曰有千金綺縵之子未勝衣而擊鐘鼎食旦歌夕飲目眈乎錦繡耳習乎絲竹擗菹基博一瞬百萬菽麥且未之辨况知稼穡艱難也哉則學耕文獲之語又何足以語之予以儒名家 饒曠之野火耘水耨粗糲錢鏹之勞固飲 之矣予尚冀言雖然百畝之田一夫荒之及 庾則或相倍獲非腴确不同雨暘之私也由其人力不力耳六經百氏之書五帝三王十有三代之史人得而誦之至於發

為辭藻則渾雄邁麗弛駭無近不趨天冠地履者亦
問學之有淺深而已今予知所以名其居則知所以
潛其心知潛其心則必有以美其身異時舒紳鳴佩
而軒眉金門玉記之上人曰此王氏子德強也德
強勉乎哉

慶州重建教授廳記

國家立天下學置教授即周師氏漢博士唐文學
之職所以化民成俗傳道受業者也然或以官冷吏
責所不加嗜閑狃媮漫弗嘗省官之設端豈使然哉
今郡邑從事掾鷄三呼率治冠理笏奔祠太守賓舍

守出黃堂上謁者導之進乃倭而趨前屏氣危坐以
其職次起白請守備之色辭則舒舒自賀否則背芒
股并且受譙問惟郡教授油然家居間一造詣坐上
坐眾皆竝廡羅出各危其

局弄刀筆了錢穀獄訟之事林林綜綜終酉未休教
授乃對諸生咏周孔之道稽治忽高文章凡塵全俗
猥一不我濁禮之優職之清如此故咨擇不由吏部
歸宰相虔在江西為一都會舊有學泯於兵大閱數
年始克像先聖先師而殿之齋房以列而校官僑處
生師風馬不接時胞人之共羞則連衽占位序聲序

音不絕如綫永嘉薛君至疲然而念之二千石其從
兄也一日召匠慮材作崇閣以闕宸奎遂以其餘為
廡于學之左門墻言曰廡曰寢不詡不陋君乃啓
便戶日抵學廬舍疑祛蔽不殆益奮朝廷之再命
使留其秩郡貢士二十有二人隸學者居十九邦人
諱言薛先生誘掖成效如醫起疾如
休咎各少
長相勵願為薛門弟子君既久于官秀民長材益孳
其教酌道迪德風變習俗遂之者又將輩出異時名
章貢為多士之地者實基薛君

蟄寮記

子洪子因故山築年葺一室地不丈闊自先秦古書
壺史貝編禪官之叢說騷人之筆語匪然甲乙整籤
繙帙味之有餘樂閒則牧几焚香手揮絲桐作文王
宣父之操移軫易調聲與心遠踈踈踈而志翔雲
霞之上嘗倦而假寐有羽人過我而問曰聞子久蟄
一室良若子知蟄之說乎鴈蟄于夏燕蟄于社蛇龜
之屬蟄于冬狐鼠蟄于晝爵蟄于昏龍蟄于神麒麟
鳳凰蟄于亂連人鍾乳合浦之珠蟄于吏之貪夏蟄
者秋而賓冬蟄者春而震亂而蟄者治則見貪而蟄
者廉則出在天則有星遇日而蟄雪遇暑而蟄雨以

虹蜃露以霜螫雷電與蛇龜之屬同其螫其不螫也
可見者愈赫有聲者愈眩其於人也夏之亡伊尹以
耕螫周末興呂望以漁螫越已霸范蠡以扁舟螫漢
儲定而四老螫祿足而二疏螫客星動而子陵螫三
徑荒而淵明螫使申商生成康之時其法螫矣淵雲
生漢高之時其文螫矣弘桑生于正觀其利螫矣王
魏生于天寶其諫螫矣故六王畢而儀秦螫其辯玉
關閉而臧宮馬武螫其勇漁陽獠而太真螫其色同
先蝕而新磨螫其技蓋雷不螫則災龍不螫則醜文
士不螫于西京之初則溺其冠利口不螫于正觀諫

舌不螫于天寶則戮予曰僂之言螫大矣僕冒憲拓
落不能共億其嬪息啼號飢凍之聲閔如也同時朋
儕耀華簪峨高軒袞于榮涂故姻連宗屬亦姍笑
相蔑僕於是退而潛焉螫吾耳則啼號之聲不接螫
吾心則姍笑即揄之事不競螫吾目則簪之華軒之
高不覲也羽人 噓子洪子遂寤紹興庚申記

息菴記

螫菴居士覲親鄱陽州小而鄙無一略可人意聞浮
屠氏有希賜者 流笠貝所譁南祖非宗所傳整
整在州抱嘗鳴法於州之報恩今潛于江口矣故道

場之南有 小庵因踵之 江來前汪洄逸折嘉
山羣侍左 右踞旁旣崇木清陰接人為之躊躇移
時後一月舟下番禺歷洗口山椒有古招提一僧頗
尚弊衣徜徉林下即之為誰曰希賜與之語始印所
聞曰吾結茅英山將老焉異日寂滅又將塔焉名之
曰息可乎居士曰師欲息其身如槁木者耶抑欲息
其心如死灰者耶將逍遙放曠草木衣食以息其生
耶抑端坐長往使門弟子鳩骸梵耶印以息其死耶如
曰息身是身是幻如曰息心無心可息日月往來不
能得久何以息其生風至葉落水靜漚散雖以遺骸

飼飛走可也賜矍然起曰善哉庵後有石壁立吾將
刻茲說居士曰庵可息也石可刻也菴可毀也石可
轟也

漱汀軒記

彭門鄭茂老尉吉水得告逆婦見予於鄱陽夷諮有
氣槩言緒：可繹嘗曰吉水之俗嗜爭而易殺人縣
郭東車航之湊凡四方近遠行商逃征于公率遵捷
歧覲夫搖心故穹林腹谷獠為盜藪乃敢橫刀森挺
與官軍角逆而保比壤遂繇歲月賒刑故朝家調尉
秦用武人恬於安未以葺飾 吾嗣掌之十月渠

吏受賕覺籍所居因而字之開軒其旁賴於南下
逢梗而聲風安浪夷洲泚獻露觴鳧鷺鵠潛泛相嬉
方吏以牘退餘霞弄川如澣錦績吾涓杯獨引不覺
徑醉漱流嚼甘則輔車渙然以醒誦東臯子之記哦
少陵之詩不知微官之在楚中也軒受名縣大夫
與其二三僚過之醜豆齒之物約勸羸一辭言曰君
飲多不亂無灌將軍之罵既步公之放張長史之狂
謂軒如此豈欲實醉尉耶是夜去縣百里賊舉民財
燬其廬斫五人之脛或去昵耳以告茂老起而入若
將私焉著鞞佩刀闖後闔上馬從弓劍之士十輩抵

剗處速炬得明其一二未死者呻轉烟燼間獨能手
其額曰官何來之速也遂口賊氏名盡得其根株窟
穴賊伺尉飲未逸且弗戒不意尉至悉倉忙就執主
人既久不出客訊之家人用茂老計給以醉謝客不
疑相壽皆極醉翼日縛賊詣縣具言狀令驚且喜曰
尉豈其醉也其後予自橋南歸茂老觴于軒中酒三
行予自徹主人命徹因索水飲研其餘而書之焉
漱汀軒記

知政橋記

聶都之山豫水出焉溢觴它山者又十餘派皆北東

入于章至贛城西偏兩涯相來衝濤湧甚賊為南北
孔道熙寧間始逸舟于河後五十有五年當建炎二
年為陽公以圖書遂直懷章作藩方時用兵居位者
逃之與之罪它不暇略舵板欵投步心惕公患之
呼工師慮材竹灰釘之屬費直百三十萬郡有船官
遂借木於場鬻楊贖用橋成今過者人輸一錢持以
二僧居半歲盡償所貸耀德頌美有童謠言更二十
年水鋸雨蝕橋益厲折公又來理于此城之東偏高
負水往來近遠之人日以數千計檝船待者鱗如也
公曰是不藉無限而公擅津渡之入者乃筭其羨積

之名錢萬者二百復撤橋而易之為舟三十有四布
板甚良掖以朱欄冶鐵為鎖鑿竹為纜極維繫之固
其條脩七尋有半廣五之一為亭凡四橋之心曰卧
虹其東岸曰利涉其西岸則臨草左而双清右合而
名之曰如政之橋投鵲踴鯨與波上下人畜重輕如
由康莊年穀比登不識寇賊冠蓋負販願出其塗壞
壤乎幢：乎未有綢于今者是歲實紹熙二十年
公猥投簡予辭不獲命乃直書其顛末而綴以詩：曰
章水揚：竝山北注遙潦建甌風贊其怒建楹為梁
胚胎智慮視漏忽傾淪胥嵒窳能仁許公美必專之

前功不棄今又
沉沉文鵠隨波高低戢翼俛啄
蝦魚驚疑月影在川長虹對吸練帆霓裳水仙夜集
惟昔盜起路為之棘俾販不蕪雍闓轍跡惟昔行人
臨流趑趄惧其一跌腹飽江魚盜今以息橋今以固
旁午如織一日幾
公首持籌手不能措來牛去馬
亦得安步繫公之政有利必興心無川陰砥道之平
有如不信請視此橋遂揭成績附之童謠

通天巖記

自英州西南行十五里至石角頭山自山麓二百步
至山半有洞門
風襲人雖半春晏溫皆挾纒不數

步即黑束緼難火始可入洞之左數石對峙曰菩薩
曰金剛神晶彩盪日如沙中星振杖陟嶮竒詭迭露
其平處可坐數十百人益深入石小破如盤盂見光
却出直東又二百步始大明雙竅穿豁垂蔓搖綠雲
在木葉間日影漏入亂石總
所謂通天巖也行前
復持火過羣石外厥壤坦然循其石研然有穴下之
多龍田皆分膝眇如縮蛇盤蚪仰視如覆樓閣去人
不遠其平處復可坐數十百人撞之坎然如鼉鼓從
板亦鳴意其下必更空洞其旁一穴類皆井不敢探
地出碎乳槎牙散亂如鐵滓曰龍矢踐之棘趾窮高

田有水一立其下縈石壁有渠云春夏交雍沮不可
涉自水丘處竇甚隘偃以往列戶如蜂房其頂結乳
如珠纓如流蘇如裂瓜如垂蓮如肺肝四壁如梳工
衣有紋摺凝于地者如神鬼形如蟠幢如旌纛如帷
帳如筍如枯木如禽獸如器物多不可名有冰柱短
長小大不一有踴石博下銳上如壁遙視之如水即
之飲不盈掬捫之如龍鱗曰旁輸歲石皆稜然巧非追
琢有羅漢小像可周以步有石燕逢火輒飛去其幽
罅隱竇若可窮測予書其石曰有天地即有此岩而
生是州官是州與遊于遷客曾無一言標榜之遂使

名不經人耳舌吁可歎哉同遊者毗陵卽林宗新安
董謀道予之叔光晦弟景徐報恩希賜師紹興三十
一年二月二十二日記

盤洲文集卷第三十

卷三十

楚辭文選卷之三

湘夫人
湘君

湘君
湘夫人



